



EX LIBRIS














Digitized by the Internet Archive  
in 2010 with funding from  
Research Library, The Getty Research Institute



# TRAICTE'

*Des cinq Ordres d'Architecture,  
desquels se sont seruy  
les Anciens .*

## TRADVIT DV PALLADIO

*Augmenté de nouvelles inuentions  
pour l'Art de bien bastir*

*Par le S.<sup>r</sup> LE MVET.*



*A. PARIS*

*CHEZ F. LANGLOIS, dit CHARTRES ,  
Marchand Libraire; Ruë S.<sup>t</sup> Jacques,  
aux Colomnes d'Hercule),  
proche le Lion d'argent.*

*AVEC PRIVILEGE DV ROY.  
M DC XLV.*




TRISTE

De cinq Centes de Anthonio  
depuis ce font vers  
les Anthonio.

TRADUIT DE PALLADIO

Manuscrit de la bibliothèque  
de la ville de Paris.

Par le S<sup>r</sup> M. M. M.



PARIS

chez le Libraire de la Cour  
chez le Libraire de la Cour  
chez le Libraire de la Cour  
chez le Libraire de la Cour

AVEC PRIVILEGE DE ROY  
M. DC. XLV.



TRAICTÉ  
Des cinq Ordres d'Architecture,  
dont se sont seruy les Anciens.  
TRADVIT DV PALLADIO.  
Augmenté de nouvelles inuentions  
pour l'Art de bien bastir.  
Par le S.<sup>r</sup> LE MVET.

A PARIS  
Chez F. Langlois dit Chartres. 1645







*A MONSEIGNEVR  
DE TVBEVF,*

*CONSEILLER DV ROY EN  
SES CONSEILS, PRESIDENT*

*en sa Chambre des Comptes ,*

*Intendant de ses Finances ,*

*Intendant et Controlleur*

*general des bastimens*

*de la REYNE.*



ONSEIGNEVR

*Il y a long temps que je souhaitte avec  
passion de vous rendre un tesmoignage*

public de l'affection particulière que j'ay  
vouïée à vostre service ; la bien-veillance  
dont vous m'avez toujours honoré ; et la  
haute estime du Liure de PALLADIO ,  
ce fameux Architecte d'Italie, vous feront  
les excuses de la hardiesse que j'ay prise  
de vous presenter l'ouurage de ce grand  
homme que j'ay habillé à la françoise :  
Le rang que vous tenez dans ce Royaume,  
et la qualité d'Intendant et Contrôleur  
general des bastimens de la REYNE Re-  
gente, dont sa Majesté a reconnu depuis-  
peu vos merites, m'a confirmé dans le des-  
sein que j'auois de vous offrir ce petit tra-  
vail de mes veilles, comme vne chose qui  
estoit due à vostre nouvelle charge ; mais  
quoy que mon Auteur soit le premier de  
son siecle, et que les plus grands Mais-  
tres d'Architecture apprennent tous les  
jours dans ses oeuvres quelques nouveaux


*secrets de leur Art, je crains neantmoins  
que ses beautez en passant par mes mains  
ne soient de beaucoup diminuées, si vostre  
accueil fauorable ne les releue et ne leur  
rend leur premier esclat ; aussi ne me  
suis-je jamais resolu de faire paraistre au  
jour cette traduction, que sous l'esperance  
que vous ne luy déniez point la protec-  
tion que vous demande tres-humblement,*

**MONSEIGNEVR,**

*V*ostre tres-humble et tres  
obeissant seruiteur

**P. LE MVET**





## EXTRAICT DV PRIVILEGE DV ROY.

*PAR* Grace et Priuilege du Roy, il est permis à FRANCOIS LANGLOIS, dit CHARTRES, Marchand Libraire de cette ville de Paris, de faire grauer et imprimer en telle forme, grandeur, caractere, et autant de fois que bon luy semblera, un Liure intitulé TRAICTE' des cinq Ordres d'Architecture, dont se sont seruy les Anciens, d'ANDRE' PALLADIO. Traduit et augmenté de plusieurs beaux Traictez pour l'Art d'Architecture, Par le s.<sup>r</sup> P. LE MVET, Ingenieur et Architecte de sa Majesté; et ce durant le temps de vingt années, à commencer du jour que led.<sup>t</sup> Liure aura esté acheué d'imprimer pour la premiere fois; avec defences à tous Libraires, Imprimeurs, Graueurs, Imagers, et autres personnes, de quelque

qualité et condition qu'elles soient, de copier, ni faire copier, imprimer, ou faire imprimer led. Liure du Palladio, ni en partie, ni par aucun desguisement que ce soit, pendant ledit temps; ni mesmes susciter les Estrangers à ce faire, à peine de confiscation des exemplaires qui se trouueront auoir esté contre-faits; de six mille liures d'amande, et de tous despens dommages et interests. Voulant en outre que foy soit adjoustée au present Extraict, comme à l'Original, et qu'il soit tenu pour signifié; ainsi qu'il est plus au long contenu aud' Priuilege. Donne' à Paris le 7 Juillet mil six cens quarante cinq. Signé LOVIS. Et plus bas, PAR LE ROY, LA REYNE REGENTE SA MERE PRESENTE. PHELYPEAVX. Et scellé du grand Sceau, de cire jaune.

Acheué d'imprimer pour la premiere fois, ce dernier Juillet 1645. Les Exemplaires ont esté fournis.




# TRAICTÉ

DES CINQ ORDRES  
d'Architecture desquels  
se sont seruy les  
anciens .

TRADVIT DV PALLADIO.

Par le S.<sup>r</sup> LE MVET.



Ily a cinq ordres dont les anciens se sont seruy ; sçauoir le Toscan , le Dorique , l'Ionique , le Corinthien , Et le Composite , ou Composite' Il les faut disposer ez bastiments en sorte que le plus grossier & plus ferme soit le plus bas ; d'autant qu'il sera

plus propre à soustenir la charge, & que le bastiment en aura vne fondation plus assurée.

Ainsy le Dorique se mettra toujours sous l'Yonique l'Ionique sous le Corinthien, & le Corinthien sous le Composé. On se sort fort peu sur terre du Toscan comme estant grossier, si ce n'est aux bastiments d'un seul ordre, comme sont ceux de vil-  
lage, ou aux grandissimes masses de bas-  
timents, comme Amphiteatres & semblables, lesquels estans de plusieurs ordres, le Tos-  
can se mettra au lieu du Dorique au des-  
sous de l'Ionique, & si on en veut  
laisser quelqu'un des cinq, comme on feroit  
en mettant le Corinthien immédiatement  
sur le Dorique, cela se peut faire, pourueu  
que le plus grossier soit toujours en la partie  
plus basse, pour les raisons desja dictes.  
Je mettray particulierement & par le menu  
les mesures de chacun des cinq ordres.

non tant selon ce qu'enseigne Vitruue, que selon ce que j'en ay remarqué aux edifices anciens, Mais premierement je diray les choses qui leur conuiennent à tous en general

## De la grosseur et diminuon des colonnes, & des entrecolonnes & pilastres

Les colonnes de chasque ordre se doiuent faire en sorte que le haut en soit plus menu que le bas, et qu'elles grossissent vn peu au milieu, En ce qui est des diminutions on doit obseruer que d'autant plus que les colonnes sont longues moins elles diminuent en grosseur, parce que la hauteur d'elle mesme par le moyen de la distance faict le mesme effect de diminution ;

C'est pourquoy si la colonne a quinze pieds de haut, la grosseur du bas se diui :



sera en six parties et vne demie. Et des  
 cinq et demie se fera la grosseur du haut,  
 Si elle a quinze à vingt pieds de haut,  
 la grosseur du bas se diuiera en sept par-  
 ties, desquelles les six et demie feront la  
 grosseur du haut. Semblablement de cel-  
 les qui seront de vingt a trente, la gros-  
 seur du bas se diuiera en huict parties,  
 dont les sept feront la grosseur du haut.  
 Ainsy les colomnes qui seront plus hau-  
 tes jront se restrecissant de la sorte qu'il  
 a esté dict à proportion de la hauteur,  
 comme enseigne Vitruue, chapitre deux  
 du troiesime liure. Mais de la façon  
 qu'on la doit faire grossir au milieu,  
 nous n'en auons de luy qu'une simple  
 promesse, d'où vient que diuerses per-  
 sonnes en ont diuersement parlé. Pour  
 moy j'ay accoustumé de faire le pour-  
 fil de ladicte grosseur en ceste maniere:

je partage le fust de la colonne en trois  
 parties égales, & en laisse la troisieme  
 partie par le bas à plomb, à l'endroit de  
 l'extremite de laquelle je mets vne ligne  
 droicte vn peu plus deliée aussy longue  
 que la colonne ou vn peu plus, & remiie la  
 partie qui reste du tiers en haut, et la ploye  
 jusques à ce que la poincte vienne au point  
 de la diminution d'en haut de la colonne  
 sous le gorgerin Et selon ce courbement je  
 marque ainsy, je fais la colonne vn peu  
 plus grosse au milieu, laquelle se vient à  
 restrecir fort agreablement & bien que je  
 ne me sois peu imaginer vne maniere plus  
 brève & plus aisée que celle là, ni qui  
 reussisse mieux, je me suis neantmoins  
 extremement confirmé en ceste mienne in-  
 uention depuis qu'elle a pleu si fort à  
 M<sup>e</sup> Pierre Catanée apres que je luy ay  
 dicté, qu'il l'a mise en vne sienne oeuvre


*d'Architecture, par laquelle il a beaucoup  
illustré ceste profession*


*A B la troisieme partie de la colonne  
qu'on laisse droicte à plomb*

*B C les deux tiers qui vont en restrecissant*

*C le poinct de la diminution sous le  
gorgerin*







*Les entrecolonnes, c'est à dire les espaces qui sont entre les colonnes se peuuent faire d'un diametre & demy de la colonne, à prendre au plus bas d'icelle. Ils se peuuent faire aussi de deux diametres, de deux & un quart, de trois, & encore plus. Mais les anciens n'en ont point faict de plus grandes que de trois diametres, si ce n'est en l'ordre Toscan, auquel faisans l'architraue de bois ils faisoient les entrecolonnes fort larges, & non moindres que d'un diametre & demy; & se sont seruis de cet espace sur tout quand ils faisoient les colonnes fort grandes. Mais ils ont approuué plus que toute autre sorte d'entrecolumnes ceux qui estoient de deux diametres & un quart; & ont appelle belle et elegante ceste maniere d'entrecolumnes. Mais il faut noter qu'il doit y auoir proportion & correspondance entre les colonnes et les espaces, pource que*



si entre des colonnes menües il y a de  
 grands espaces on oſtera la beauté de l'as-  
 pect, en ce que le grand air qui sera dans  
 ces espaces diminuira de beaucoup la gros-  
 ſeur des colonnes. Et si au contraire  
 dans les espaces eſtroicts il y a de groſſes  
 colonnes, a cauſe du reſtreſſement des  
 eſpaces il y aura vne veüe eſtouffée &  
 deſagreable C'eſt pourquoy ſi les eſpaces  
 excèdent les trois diametres, les colonnes  
 auront de groſſeur la ſeptieſme partie de  
 leur hauteur, comme j'ay obſerué cy deſ-  
 ſous en l'ordre Toſcan Mais ſi les eſ-  
 paces ſont de trois diametres, les colonnes  
 auront de longueur ſept modules et demy,  
 ou huit comme en l'ordre Dorique, .  
 S' ils ſont de deux et vn quart les co-  
 lonnes auront neuf modules de longueur  
 comme en l'Ionique, S' ils ſont de deux,  
 les colonnes auront de longueur neuf

modules & demy comme au Corinthien.  
 & finalement s'ils sont d'un diametre &  
 demy ; les colonnes aurent de longueur  
 dix modules comme au Composé.  
 Et en ces cinq ordres susdicts j'ay eu es-  
 gard à cela à fin que ce soient des exemples  
 de toutes les manieres d'entrecolumnes qu'  
 enseigne Vitruue au chapitre susdict. Il  
 faut qu'au front des edifices les colonnes  
 soient pareilles à fin qu'il se trouue au mi-  
 lieu un entrecolumne qui se face plus grand  
 que les autres, de sorte qu'on en voye mi-  
 eux les portes & les entrées qu'on a accou-  
 stumé de mettre au milieu. & cecy se  
 doit entendre des ouurages à simples co-  
 lomes.

Mais si on faict des galeries à pilastres  
 il les faut disposer en sorte que les pilastres  
 n'ayent pas moins de grosseur que le tiers  
 du vuide qui sera entre deux pilastres &

ceux qui seront aux coins en auront les deux tiers à fin que les angles du bastiment soient forts & fermes . Et quand ils auront à soutenir une grande charge, comme aux grands bastiments . lors on leur donnera de grosseur la moitié du vuide, comme sont ceux du theatre de Vicenze . Et de l'amphitheatre de Capoue ; ou les deux tiers comme ceux du theatre de Marcellus à Rome & du theatre d'Eugubie, lequel à present est au Seigneur Louis de Gabrielli gentilhomme en ceste ville . Les anciens les ont faicts quelquefois aussi gros que tout le vuide, comme au theatre de Veronne, à l'endroit qui n'est pas sur la montagne . Mais aux bastiments des particuliers ils ne se feront ni moins gros que du tiers, ni plus gros que des deux tiers du vuide, & seront quarrez .

Mais pour espargner la despense, et laisser plus de place à passer, on les fera plus gros

par le front que par le flanc, & pour l'ornement de la façade on mettra au milieu du front desdicts pilastres des demyes colonnes ou d'autres pilastres qui portent en haut la corniche qui sera sur les arcs de la gallerie, & Seront de la grosseur que requerra leur hauteur selon chasque ordre, comme aux desseins & chapitres suiuians on peut voir.

Pour l'intelligence de quoy, à fin qu'il ne soit besoin de redire plusieurs fois la mesme chose il faut sçauoir qu'à partager et mesurer les ordres susdicts je n'ay voulu prendre aucune mesure certaine et determinée c'est à dire particuliere à aucune ville, comme bras, pied, palme, sçachant que les mesures sont diuerses, selon les villes & contrées. Mais en imitant Vitruue qui diuise & partit l'ordre Dorique avec vne mesure tirée de la grosseur des colonnes qui est commune a tous, & par luy



appellee module, Je me serviray comme luy  
 de ceste mesure en tous les cinq ordres. Et  
 le module sera le diametre de la colomne pri-  
 se par le bas, et diuise en soixante parties,  
 excepte au Dorique, auquel le module sera  
 la moitié du diametre de la colomne diui-  
 se en trente parties, pource qu'ainsi diui-  
 se cela est plus commode pour les compar-  
 timens dudit ordre; de sorte que chascun  
 faisant le module plus grand ou plus petit  
 selon la qualite du bastiment, se pourra ser-  
 uir des proportions et poufils desseignez  
 conuenablement à chasque ordre


# De l'ordre Toscan

L'ordre Toscan selon ce qu'en diet Vitruue & ce qui se veoid en effect, est le plus simple et le plus vny de tous les ordres de l'architecture, pource qu'il tient de ceste premiere antiquité & manque de tous les ornemens qui rendent les autres beaux & agreables. Il a eu son origine en Toscane la plus noble partie d'Italie, de laquelle il garde encore le nom. Les colonnes avecque la base & le chapiteau doiuent auoir de longueur sept modules, & se restrecissent ou diminuent par en haut de la quatriesme partie de leur grosseur. Si on faict des ouvrages de cet ordre à colonnes simples, les espaces se pourront faire fort grands, pource que les architraues se font de bois, c'est pourquoy il est plus à l'usage des bastiments des champs pour la commodité des chariots


D'autres instruments rustiques et est de peu  
 de despence Mais si on fuit des portes ou  
 galeries avec arcades on y gardera les mesu-  
 res mises au dessin suivant, auquel l'on  
 veoid les pierres disposées et enchainées com-  
 me il me semble qu'elles doivent estre quand  
 l'ouurage est de pierre, de quoy j'ay auerti  
 aussy en faisant les desseins des autres qua-  
 tre ordres Et ceste maniere de disposer  
 & lier ainsy les pierres je l'ay tirée de quan-  
 tité d'arcs anciens, comme il se verra en  
 mon liure des arcs, en quoy j'ay esté fort  
 exact & soigneux.


A . Architraue de bois

B Poutres qui font la gouttiere











Les pedestaux qui se feront sous les colonnes de cet ordre auront de hauteur un module & se feront simples. La hauteur de la base de la colonne est de la moitié de sa grosseur prise par le bas. cette hauteur se diuise en deux parties egales, l'une est pour l'orle, ourlet ou plinte, lequel se faict avecque le compas; l'autre se partage en quatre parties, dont l'une est pour le listeau, qui autrement s'appelle reiglet et ceinture. & se peut faire encore un peu plus petit; et en cet ordre seul est partie de la base, parce qu'en tous les autres il faict partie de la colonne. & Les autres trois parties sont pour le tore ou baston. Cette base a de saillie la sixiesme partie du diametre de la colonne. Le chapiteau a aussi de hauteur la moitié de la grosseur de la colonne par le bas. & se diuise en trois parties egales; de l'une se faict l'aba:

que, ou listeau, lequel vulgairement à cause de sa forme s'appelle dado ou quarré; l'autre partie est à l'ouolo, ou oeuf; et la troisieme partie se diuise en sept, de l'une se faict le listeau sous l'ouolo ou oeuf, et les six demeu-  
rent pour le gorgerin, colier ou frise, L'astragale est haut deux fois comme le listeau sous l'ouolo ou oeuf, & son centre se faict sur la ligne qui tombe à plomb du listeau susdict, & sur la mesme ligne tombe la saillie de la cimaise qui est grosse comme le listeau. La saillie de ce chapiteau respond sur le vif de la colonne par bas, son architraue se faict de bois aussi haut que large, et la largeur n'excede pas le vif de la colonne par en haut. Les poutres qui sont la gouttiere ont de saillie le quart de la longueur des colonnes. Voila les mesures de l'ordre Toscan, comme l'ensei-  
gne Vitruue



- A *Abaque, listéau, ou quarre*
- B *Ouele, ou oeuf.*
- C *Collier, gorgerin, ou frise du chapeau.*
- D *Astragale*
- E *le vif de la colonne par en haut*
- F *le vif de la colonne par bas*
- G *Riglet, ou ceinture*
- H *Baston, ou tore.*
- I *Orle, ourlet ou plinte*
- K *Piedestal*







Mais si on faict les architraues de pierre  
 on obseruera tout ce qui a esté dict cy dessus  
 des entrecolomnes . On veoid quelques bas-  
 timens anciens qui se peuuent dire estre  
 faicts de cet ordre , pource qu'ils ont en par-  
 tie les mesmes mesures , comme l'arene de  
 Veronne . L'arene & le theatre de Paole ,  
 & beaucoup d'autres, desquels j'ay pris les  
 pourfils, non seulement de la baze, du cha-  
 piteau, de l'architraue, de la frise, et de la  
 corniche, mises en la derniere page de ce cha-  
 pitre, mais aussi des impostes, des voultres:  
 & de tous ces edifices, je mettray les des-  
 seins en mon liure de l'antiquité.



- A. Gueule droite
- B. Couronne ou gouttiere
- C. Gouttiere & gueule droite
- D. Scotie
- E. Frise
- F. Architrave
- G. Cimaïse ou moulure
- H. Abaque
- I. Gueule droite du chapiteau
- K. Collier, gorgerin, ou frise du chapiteau
- L. Astragale, ou rondau avec la ceinture
- M. vis de la colonne sous le chapiteau
- N. vis de la colonne par bas
- O. Reiglet ou ceinture de la colonne
- P. Baston et gueule
- Q. Orle, ourlet, ou plinte de la base






# De l'ordre Dorique.


L'ordre Dorique a eu son origine & son nom des Doriens, peuple de Grece, qui habiterent en Asie. Les colonnes, si elles se font simples sans pilastres, doiuent auoir de longueur sept modules Et demy, ou bien huict, les entrecolonnes sont d'un peu moins que les trois diametres de la colonne. Et ceste maniere de bastiment à colonne est appelée par Vitruue *Diastylus*; c'est à dire qui a les entrecolonnes plus ouuertes & larges de tous. Mais si elles s'appuyent à des pilastres elles auront avecque la base & le chapiteau dix<sup>et</sup> sept modules & vn tiers de hauteur.


Et est à noter que comme j'ay dict cy dessus au chapitre trefz'iesme, le module en cet ordre seul, est le demy diametre de


la colonne diuisée en trente parties, & en  
tous les autres ordres c'est le diametre en-  
tier diuisé en soixante parties.











Chez les anciens on ne veoid point de pied'estaux à cet ordre, mais bien chez les modernes, neantmoins le voulant mettre icy il faut que l'abaque ou dado soit vn quarré parfaict duquel se prendra la mesure de ses ornemens parce qu'il se diuifera en quatre parties egales. Et la base avecque la plinte ira pour deux, et la cimaise pour vne, à laquelle doit estre attachée l'orle de la base de la colonne. On veoid aussy de ces sortes de pied'estaux en l'ordre Corinthien, comme à Verouue en l'arc qu'on appelle des lions. J'ay mis plusieurs manieres de pourfils qui se peuuent accommoder au pied'estal de cet ordre qui sont toutes belles. Et tirées des anciens Ont esté exactement mesurées. Cet ordre n'a point de base propre, qui est cause qu'on veoid en beaucoup d'edifices les colonnes sans base, comme à Rome au theatre de Marcellus; et



pres de ce theatre au temple de la Pieté : au theatre de Vincence , & en beaucoup d'autres lieux Mais quelque fois on y met la base Attique laquelle augmente de beaucoup sa beauté , & en voicy la mesure .


Elle a de hauteur la moitié du diametre de la colomne , & se diuise en trois parties egales , de l'une se faict la plinte ou socq les deux autres se diuisent en quatre de l'une desquelles se faict le baston de dessus ; & les autres qui restent se diuisent en deux , dont l'une est pour le baston de dessous , & l'autre pour la scotie avecque ses listeaux , parce qu'elle se diuise encore en six parties , de l'une desquelles se fera le listeau de dessus , de l'autre celui de dessous , & des quatre qui restent la scotie .


La saillie est de la sixiesme partie du diametre de la colomne ; la ceinture se

faict de la moitié du baston de dessus  
 Si on la diuise d'avecque la base sa sail-  
 lie est la troïsième partie de toute la sail-  
 lie de la base

Mais si la base faict partie de la colom-  
 ne sans estre diuisée elles seront d'une  
 piece ; la ceinture sera deliée comme l'on  
 veoid au troïsième dessein de cet ordre  
 où il y à aussy deux manieres d'impos-  
 tes des arcs

- A Vis de la colonne
- B Reiglet en ccinture
- C Baston de dessus
- D Scotie avec les listeaux
- E Baston de dessous
- F Plinte ou zoc
- G Cimaïse
- H Abaque, dado, ou quarre' du pedestal
- I Base
- K Impostes des arcs







Le chapiteau doit auoir de hauteur la moitié du diametre de la colonne par embas, & se diuise en trois parties. celle de desbus sera diuisée en cinq, trois seront pour l'abaque, et les deux autres parties pour la cimaise, laquelle se rediuisé en trois, de l'une se faict le listeau, et des deux autres la gueule. La seconde partie principale dudict chapiteau se diuise en trois parties egales, de l'une desquelles se faict les anneaux ou petits quarez qui sont trois egaux, les deux autres restent pour l'ouolo ou oeuf, lequel a de saillie les deux tiers de sa hauteur: la troisieme partie principale dudict chapiteau est pour le collier, gorgerin ou frise. toute la saillie est de la cinquieme partie du diametre de la colonne; l'astragale ou rondeau est aussy haut que les trois anneaux, & a sa saillie en à

dehors au vif de la colonne par le bas ;  
Le reiglet ou ceinture est aussy haut que  
la moitié du rondeau

Sur le chapiteau se faict l'architraue, le-  
quel doit estre aussy haut que la moitié  
de la grosseur de la colonne, c'est à dire  
vn module ; Il se diuise en sept parties  
d'une se faict la bandelette, et autant luy  
donne t'on de saillie ; puis le tout se diui-  
se en six parties, l'une desquelles est po<sup>r</sup>  
les gouttes ou clochettes qui doiuent estre  
six en nombre. Et pour le listeau qui est  
sous ladicte bandelette, lequel faict le tiers  
desdictes gouttes ou clochettes ; de la ban-  
delette en bas le reste se diuise en sept par-  
ties, dont les trois sont pour la premiere  
bande ou feuillure, Et quatre pour la se-  
conde. La frise a de haut vn module  
Et demy ; le trigliffe est large d'un module.  
son chapiteau est de la sixiesme partie

d'un module . Le triglisse se diuise en six parties ; il y en a deux pour deux canules ou rayons du milieu ; une pour deux demi-canules ou rayons aux deux extremités . Et les autres trois font les espaces qui sont entre lesdicts canules ou rayons . La metope, c'est à dire l'espace qui est entre deux triglisses, doit estre aussy large qu'elle est haute .

La corniche doit auoir de haut un module Et un sixiesme ; Et se diuise en cinq parties et demye ; on en prend deux pour la scotie Et pour l'ouolo ou oeuf ; la scotie est moindre que l'ouolo ou oeuf de la grandeur de son listeau . les autres trois et demie se prennent pour la couronne ou autrement gouttiere Et pour la gueule renuersée et la droicte .  
Ladicte gouttiere, ou couronne doit auoir de

saillie des six parties du module les quatre ; Et en son plat fond ou planure qui regarde en bas et a sa saillie en dehors , elle a du long sur les triglifes six gouttes ou clochettes Et du large trois avecques ses listeaux , et sur les metopes quelques roses ; Les gouttes ou clochettes sont rondes Et respondent à celles qui sont dessous la bandelette , lesquelles se font en forme de campanes ou timpan

La gueule sera plus grosse que la gouttiere ou couronne de la huitiesme partie ; elle se diuise en huit parties , deux sont pour l'orle , Et six restent pour la gueule qui a de saillie les sept parts et demye

De sorte que l'architraue , la frise Et la corniche viennent à auoir de hauteur la quatriesme partie de la hauteur de la colomne ; Et ce sont là les mesures de


la corniche selon Vitruue ; de laquelle je  
me suis vn peu departy en l'alterant en  
ses membres et la faisant vn peu plus  
grande




- A Gucule droicle  
 B Gucule renuersee  
 C Couronne ou gouttiere  
 D Ouolo ou oeuf  
 E Scotie  
 F Chapiteau du triglife  
 G Triglife  
 H Metope  
 I Bande ou bandelette  
 K Gouttes ou clochettes  
 L premiere feuillure  
 M seconde feuillure

### Parties du chapiteau

- |  |  |
|--|--|
| N Cimaife                              | T Reiglet ou ceinture                      |
| O Abaque                               | V Vis de la colonne                        |
| P Ouolo ou oeuf                        | X Plan du chapiteau                        |
| Q petites moulures<br>ou petits degrez | Y Plat fond. ou lambres<br>de la gouttiere |
| R Collier ou gorgerin                  |  |
| S Astragale                            |  |







# De l'ordre Ionig.

L'ordre Ionique a eu son origine en Ionie prouince de l'Asie. Et nous sçavons que de cet ordre fut construit le Temple de Diane en Epheze. les colonnes avec le chapiteau & la base ont de longueur neuf modules, & par module s'entend le diametre de la colonne par embas. L'architrave, la frise, & la corniche font la cinquieme partie de la hauteur de la colonne. au dessein suiuant, qui est à simples colonnes, les entrecolonnes sont de deux diametres & un quart. Et, c'est la plus belle & plus commode maniere d'entrecolumnes qui est appelée par Vitruue Eustylus; comme qui diroit belle colonne. Et à

l'autre dessein suiuant qui est par arca-  
des & pilastres font la troisieme partie  
du vuide en largeur, Et les arcades  
ont d'ouuerture en hauteur deux fois leur  
largeur.










*Jusques foubz la route*

*Du milieu d'une des Colomnes  
au milieu de l'autre il y a  
sept Modules & dixsept parties*

*Modules vnze*



Si on met vn piedestal aux colonnes Ioniques comme au dessein des arcs, il aura de hauteur la moitié de la largeur de l'ouverture de l'arc. Et se diuîsera en sept parties Et demie ; de deux on fera la base, de la troisieme la cimaise, Et les quatre et demie restans sera pour l'abaque, c'est à dire la planure du milieu.

Le base aura de grosseur demy module, Et se diuîsera en trois parties, la premiere est pour le plinte ou Zocq, la saillie est de la quatriesme partie de ladicte grosseur. Et par consequent la huictiesme d'un module ; les deux autres parties de ladicte base se diuisent en sept. De trois se faict le baston, et les autres quatre se rediuisent en deux, dont l'une est pour la scotie de dessus Et l'autre pour celle de dessous, qui doit auoir plus de saillie que l'autre.




Les astragales doiuent auoir la huictiesme partie de la scotie ; le reiglet ou ceinture de la colonne est de la troisieme partie du baston de la base Mais si la base se faict conjointement avec partie de la colonne ladicte ceinture sera plus deliée comme je l'ay dict en l'ordre Dorique. ladicte ceinture a de saillie la moitié de la saillie susdicte. voila les mesures de la base Ionique selon Vitruue


Mais pource qu'en beaucoup d'edifices anciens on veoid avecque cet ordre des bases attiques, Et qu'elles me plaisent davantage sur le pedestale, j'ay desseigné l'attique avecque vn bastonnet sous la ceinture, n'ayant pas laissé de faire le dessein de celle qu'enseigne Vitruue.

Les desseins L sont deux pourfils differents pour faire les impostes des arcs, et

les mesures de chacune sont marquées  
par des nombres lesquels signifient les  
parties du module, comme il a esté faict  
en tous les autres desseins, ces impostes  
sont plus hautes que la moitié de la gros-  
seur du pilastre qui supporte l'arc :

- A le vis de la colonne
- B le roncean avec la ceinture qui sont  
membres de la colonne
- C baston ou tore du haut
- D Scotie
- E baston ou tore du bas
- F Orle attachée à la cimaise du piedestal
- G Cimaise de deux sortes
- H Abaque ou dado
- I base de deux sortes
- K Orle de la base
- L Imposte des arcs







Pour faire le chapiteau on diuise le pied  
 de la colonne en dixhuict parties & dix  
 neuf de ces parties font la longueur et lar-  
 geur de l'abaque ; Et la moitié faict la  
 hauteur du chapiteau avec les volutes ,  
 de sorte qu'il a de haut neuf parties &  
 demie ; vne Et demie est pour l'abaque  
 avecque sa cimaise . les autres huict res-  
 tent pour la volute, qui se faict de ceste  
 sorte . De l'extremité de la cimaise tirant  
 en dedans se prend vne de ces dixneuf par-  
 ties, du poinct de laquelle on laisse cheoir  
 vne ligne à plomb qui diuise la volute par  
 le milieu . Et ceste ligne s'appelle cathete  
 Et là ou en ceste ligne est le poinct qui  
 separe les quatre parties Et demye supe-  
 rieures d'avec les trois autres et demie  
 inferieures, là se faict le centre de l'oeil de  
 la volute, le diametre duquel est vne des  
 huict parties, Et du poinct susdict se

tire vne ligne laquelle croisant en angles  
 droicts ladicte cathete vient à diuiser la  
 volute en quatre parties, puis dans l'oeil  
 d'icelle se forme vn petit quarre, la grandeur  
 duquel est le semidiametre de l'oeil susdict  
 Et les lignes diagonales estans tirées en jcel-  
 les se font les poincts esquels en faisant la  
 volute on doit tenir immobile le pied du  
 compas; Et il y a treize centres en contant  
 celuy de l'oeil de la volute Et quant à l'or-  
 dre qu'il y faut tenir on le veoid par les  
 nombres marquez au dessein. l'astragale de  
 la colomne est au droict de l'oeil de la volu-  
 te Les volutes se font aussy grosses au mi-  
 lieu qu'est la saillie de l'ouolo ou oeuf, le-  
 quel auance autant au dela de l'abaque  
 que contient l'oeil de la volute  
 La canelure de la volute va au pair du vif  
 de la colomne; l'astragale de la colomne  
 tourne par dessous la volute Et se veoid

toijours comme il appert en la plante de la colonne Et il est naturel qu'une chose tendre comme est la volute donne place à une qui est dure comme l'astragale Et la volute s'esloigne toujours de luy egaleement

On a accoustumé de faire aux angles des ouvrages à colonnes ou portiques de l'ordre Ionique des chapiteaux qui ayent la volute non seulement au front, mais encore en ceste partie laquelle le chapiteau se faisant comme on a accoustume de le faire en seroit le flanc: de sorte qu'ils viennent à auoir le frontispice de deux costez Et s'appellent chapiteaux angulaires, lesquels je monstreray en mon liure des temples comme ils se font.

A Abaque

B Canal ou creux de la volute

C Ouoio ou ceuf

D Rondeau sous l'ouio. ou ceuf

E ceinture, ou reigl

F Vif de la colonne

G Ligne dicte cathete

À la plante du chapiteau de la colonne sont les mesmes membres contremarquez de mesmes lettres

S L'oeil de la volute en grande forme

Membres de la base selon Vitruue

K Vif de la colonne

L Ceinture ou reiglet

M Baston ou tore


N Scotie premiere

O Rondeaux


P Seconde scotie

Q Orle ou ourlet

R Saillie









L'Architraue, la frise & la corniche font  
comme j'ay dict la cinqiesme partie de la  
hauteur de la colonne, & le tout se diuise en  
douze parties; l'architraue en faict quatre; la  
frise trois & la corniche cinq. l'architraue  
se diuise en cinq parties, de l'une se faict  
la cimaise: & le reste se diuise en douze:  
trois se prennent pour la premiere face ou  
bande, et pour son astragale, quatre pour  
la seconde et pour son astragale; & cinq  
pour la troisieme face ou bande.

La corniche se diuise en sept parties, &  
trois quarts, il y en a deux pour la scotie  
& l'ouolo ou oeuf; deux pour le modillon  
& les trois autres parties & trois quarts  
pour la couronne et gueule; et a autant de  
saillie en dehors qu'elle est grosse.

J'ay desseigné le front, le flanc et la plante du  
chapiteau, et l'architraue la frise et la corniche  
avec les sculptures qui y cōuiennent.

- A gueule droicte  
 B gueule renuersee  
 C gouttiere ou couronne  
 D cimaise des modillons  
 E modillons  
 F Ouolo ou oeuf  
 G Scotie  
 H frise  
 I cimaise de l'architraue  
 K L M sont la premiere, seconde, et troi-  
 iesme face bande, ou feuillure  
*Membres du chapiteau*  
 N Abaque  
 O creux ou fonds de la volute  
 P Ouolo ou oeuf  
 Q rondeau de la colomne ou bien astragale  
 R vif de la colomne  
 La ou sont les roses est le plat fonds ou  
 le lambris de la corniche entre deux  
 modillons









# De l'ordre Corinthien

*A Corinthe tres noble cité du Peloponese ou Morée, fût premierement trouuée l'ordre qu'on appelle Corinthien, lequel est plus joly & plus esgayé que tous les autres dont j'ay parle*


*Les colonnes corinthiennes sont semblables aux Ioniques, & ont de longueur y compris la base & le chapiteau neuf modules et demy ; si elles se font cannelées elles doivent auoir vingt quatre cannelures qui ayent chascune autant de profondeur que la moitié de la largeur. L'espace qui est entre deux cannelures sera du tiers de la largeur d'une cannelure. L'Architraue, la frise, & la corniche font la cinqiesme partie de la hauteur de la colonne.*

Au dessein suiuant qui est à simples  
 colonnes, les spaces ou entrecolumnes  
 sont de deux diametres comme est le  
 portique de Sainte Marie de la Rotide  
 à Rome, Ceste maniere de colonnes est  
 appellée par Vitruue Systylos, comme  
 qui diroit à colonnes vn peu plus ouuer-  
 tes, & à l'autre dessein qui est à ar-  
 cades les pilastres font les deux cinquies-  
 mes parties de l'ouuerture de l'arcade Et  
 l'arcade a d'ouuerture en hauteur deux  
 fois Et demy sa largeur y compris l'es-  
 poisseur de l'arc mesme.













Sous les colonnes Corinthiennes on fera  
 vn piedestal haut comme le quart de la  
 hauteur de la colonne, & se diuifera en  
 huit parties; on en prendra vne pour la  
 cimaise; deux pour la base & cinq res-  
 teront pour l'abaque. La base se diuifera  
 en trois parties; deux desquelles seront pour  
 le plinthe, & l'autre pour la corniche.  
 La base de la colonne est l'Attique, mais  
 en cet ordre elle est differente de celle qui  
 se met en l'ordre Dorique, en ce que la  
 saillie est de la cinqiesme partie du dia-  
 metre de la colonne, au lieu qu'au Dorique  
 elle est de la sixiesme du diametre. On  
 peut encore en quelque sorte faire de la di-  
 uersité comme il se void en ce dessein, où  
 est encores marqué l'imposte des arcs;  
 laquelle est haute de la moitié plus que  
 n'est gros le membre, c'est à dire le pilas-  
 tre qui porte l'arc.

- A Vif de la colomne  
 B Ceinture ou reiglet &rondeau de la  
 colomne  
 C Baston ou tore d'en haut  
 D Scotie avec les astragales  
 E Baston ou tore d'en bas  
 F Orle de la base attaché à la cimaise du  
 piedestal  
 G Cimaise &  
 H Abaque tous deux du piedestal  
 I Couronne ou goutiere  
 K Orle ou ourlet de la base

L'imposte des arcs est à coste des  
 colomnes





Le chapiteau corinthien doit estre aussi haut que la grosseur de la colonne par le bas et la sixiesme partie de plus laquelle se prend pour l'abaque ; Et le reste se diuise en trois parties egales ; la premiere se prend pour la premiere feuille ; la seconde pour la deux.<sup>e</sup> Et la troisieme se rediuiue en deux ; de la partie plus proche de l'abaque se font les tiges avec leurs feuilles qu'elles semblent soutenir Et qui naissent d'icelles pour ce le fust de la colonne d'où elles sortent sera gros. Et les feuilles en leurs enueloppemens iront peu à peu en diminuant. En quoy nous prendrons l'exemple des plantes qui sont plus grosses ou elles commencent à sortir de terre que là ou elles finissent Le timpan cest à dire le vis du chapiteau sous les feuilles doit aller au droict du fonds des canelures des colonnes

Pour faire l'abaque qui ait une saillie conue

convenable, soit fait le quarre' ABCD. du  
 quel ch'aque costé soit d'un module et demy  
 Et en jceluy soit tiré des lignes diagonales  
 d'un angle à l'autre. Ou elles s'entre-  
 couperont au point E qui est le milieu et  
 centre dudict quarre' on mettra le pied im-  
 mobile du compas, Et vers ch'aque angle  
 on marquera un module: puis on se trou-  
 ueront les points F G H I on tirera des li-  
 gnes qui s'entrecouperont à angles droicts,  
 avecque lesdictes diagonales. Qui touche-  
 ront les costez du quarre' LMNO et ce se-  
 ront là les bornes de la saillie: & autant q<sup>u'</sup>  
 seront longues lesdictes lignes autant au-  
 ront de largeur les cornes de l'abaque.

Le courbement ou apétissement se fera pre-  
 nant la distance d'une corne à l'autre, qui  
 est du point L au point N, puis desdicts  
 points on tirera des portions de cercle, à  
 l'intersection desquelles au point P, sera





tenu immobile vn des pieds du compas, & de l'autre mobile sera marque la ligne courbe qui faict le renfoncement ou courbement de l'astragale ou rondeau de la colonne. Et l'on fera que les langues des feuilles la touchent, ou bien qu'elles auancent vn peu en dehors, C'est là leur saillie. La rose doit auoir de largeur le quart du diametre de la colonne par le pied.


L'architraue, la frise & la corniche comme j'ay dict sont de la cinqiesme partie de la hauteur de la colonne, Et le tout se diuise en douze parties comme en l'Ionique, mais en celuy cy il y a ceste difference que la corniche se diuise en huit parties Et demie, de l'une se faict l'entablement, de l'autre la dentille ou dentelle, de la troisieme l'ouolo ou oeuf, de la quatrieme et cinqiesme le modillon, Et des trois et demye restans la couronne et la gueule. La corniche a


autant de saillie qu'elle est haute . Les  
coffres ou places des roses qui sont entre les  
modillons doivent estre quarrez Et les mo-  
dillons gros comme la moitié du champ des  
dictes roses . Les membres de cet ordre n'ont  
pas esté contremarquez avecque des lettres  
comme ceux des ordres cy dessus , pource  
que ceux cy se peuuent aisement connoistre  
par les autres


P



Fij












# De l'ordre Composite

## ou Composé


L'ordre composite, qui s'appelle  
aussy Latin, pource qu'il est de l'invention  
des anciens Romains, est ainsi nommé par-  
ce qu'il participe aux deux ordres susdicts.  
Et le plus beau & plus regulier est celui  
qui est composé de l'Ionique et du Corin-  
thien. Il se faict plus esguaye que le Co-  
rinthien. On peut luy estre faict semblable  
en toutes ses parties excepté au chapiteau.  
Ses colonnes doivent auoir dix modules de  
longueur. Au dessein à colonnes simples  
les entrecolonnes sont d'un diametre et demy.  
Cette maniere est appelée par Vitruue  
Pycnostylos, comme qui diroit à colonnes  
serrees et en grand nombre. Et au des-

dessein à arcades les pilastres ont la moitié de l'ouverture de l'arc, Et les arcs ont de hauteur jusques sous la voute deux quardres & demy ; c'est à dire deux fois et demy l'ouverture ou diametre.













Et d'autant que, comme j'ay dict, cet ordre se doit faire plus esguayé que le Corinthien, son piedestal est du tiers de la hauteur de la colonne, & se diuise en huict parties et demie, de l'une se faict la cimaise de cette base, et des cinq et demie se faict l'abaque. La base du piedestal se diuise en trois parties, les deux sont pour le plinte ou Zocq, & une pour ses bastons avec sa gueule.

La base de la colonne se peut faire Attique comme au Corinthien, & se peut faire aussy composée de l'Attique & jonique, comme il se void au dessein. le profil de l'imposte des arcs est à costé de la planure du piedestal. & a de hauteur autant que le membre a de grosseur.







Le chapiteau Composite a les mesmes mesures que le Corinthien Mais il est different d'auec luy en ce qui est de la volute, de l'ouolo ou oeuf & du fuseau qui sont membres attribuez a l' Ionique & la maniere de le faire est ainsi. de l'abaque en bas on diuise le chapiteau en trois parties comme au Corinthien. La premiere est pour la premiere feuille; & la seconde pour la deuxiesme & la troisieme pour la volute; laquelle se faict en la mesme maniere & auecque les mesmes poincts avec lesquels j'ay dict que se faict l' Ionique & occupe tant de l'abaque qu'il semble qu'elle naisse hors de l'ouolo ou oeuf aupres de la fleur qui se met au milieu du courbement dud' abaque & est ausy grosse de front qu'est l'emoussement qui se faict sur les cornes d'iceluy ou vn peu plus. l'ouolo ou oeuf a de grosseur les trois cinquiesmes parties de l'abaque: sa partie inferieure commence au

droict de la partie inferieure de l'ocil de la volute. Il a de saillie les trois quarts de sa hauteur. Et vient avecque sa saillie au droict du courbement de l'abaque, ou un peu plus en dehors.

Le fuseau est du tiers de la hauteur de l'ouolo ou oeuf, & a de saillie un peu plus de la moitié de la grosseur. Et tourne à l'entour du chapiteau sous la volute, et se void tous jours. le petit degré ou moulure qui va sous le fuseau. Et faict l'orle du timpan du chapiteau. est de la moitié dudit fuseau. le vif du timpan respond audroict du fonds des canelures de la colonne



De ceste sorte j'en ay veu un à Rome de laquelle j'ay tiré les mesures susdictes pour ce qu'il m'a semblé fort beau Et bien entendu


On void encore des chapiteaux d'autres sortes qui se peuuent appeller composites desquels




je parleray & en mettray les figures.

L'Architraue, la frise, & la corniche sont de la cinquiesme partie de la hauteur de la colomne & de ce que j'ay dict cy dessus des autres quatre ordres, et par les nombres mis au dessein qui est icy, on connoist leurs compartimens et mesures.







# Des pedestaux

Jusques icy j'ay dict tout ce qui m'a semblé nécessaire des murs simples et de leurs ornemens, Et en particulier des pedestaux qui se peuvent attribuer à chaque ordre. Mais pource qu'il me semble que les anciens n'ont pas eu ceste consideration de faire un pied'estal de certaine grandeur pour un ordre plustost que pour un autre :

Et neantmoins ce membre augmente beaucoup son ornement & sa beauté quand il est faict avecque raison et proportion avec les autres parties, à fin qu'on en ait une certaine connoissance ; Et que l'Architecte s'en puisse servir selon les occasions, il faut sçauoir qu'ils les ont faicts quelques fois quarrez, c'est à dire aussy longs que larges, comme en l'arc des lions à


Veronne laquelle maniere j'ay attribuee  
à l'ordre Dorique pource qu'il requiert de  
la fermeté. Quelques fois ils les ont faict  
prenant la mesure du jcur des vuides &  
espaces, comme en l'arc de Tite à Sainte  
Marie neuue à Rome. En celuy de  
Trajan sur le port d'Ancone où le pie-  
destal est haut comme la moitié de l'ou-  
verture de l'arc: Et j'ay mis en l'ordre  
Ionique de cette sorte de pedestaux.

D'autres fois ils ont pris la mesure de  
la hauteur de la colomne, comme on void  
à Suze en vn arc faict à l'honneur d'  
Auguste; & en l'arc de Pole ville de  
Dalmatie. Et à l'amphiteatre de Rome  
en l'ordre Ionique et Corinthien, esquels  
edifices le pedestal est du quart de la hau-  
teur des colomnes, comme j'ay mis en l'  
ordre Corinthien. Et à Veronne en l'arc  
du vieux chasteau, qui est tres beau, le



pedestal est du tiers de la hauteur de la colonne, comme je l'ay mis en l'ordre composite. Et ce sont là les plus belles formes de pedestaux & qui ont belle proportion avec les autres parties. Et quand Vitruue au sixiesme liure parlant des theatres faict mention de l'apuy, il faut scauoir q<sup>d</sup> c'est la mesme chose que le pedestal lequel est du tiers de la hauteur des colonnes mises pour l'ornement de la scene.

Mais quant aux pedestaux qui excedent le tiers de la colonne il s'en void à Rome en l'arc de Constantin où les pedestaux sont des deux parties et demie de la hauteur de la colonne. Et presqu'en tous, les pedestaux anciens on void auoir esté obserué de faire la base deux fois plus grosse que la cimaize.



# Des abus

Ayant mis les ornemens de l'archi-  
 tecture . scauoir les cinq ordres . & ensei-  
 gné comme se doiuent faire et mettre les  
 pourfils de chascune de leurs parties , com-  
 me j'ay trouue que les anciens l'ont obser-  
 ué ; il ne me semble pas mal à propos  
 d'auertir icy le lecteur de beaucoup d'abus  
 lesquels ayans esté introduicts par les Bar-  
 bares se praticquent encore , à fin que les  
 amateurs de cet art s'en puissent prendre  
 garde en leurs ouurages & les reconnois-  
 tre en ceux des autres . Je dis donc que  
 l'Architecture estant comme tous les autres  
 arts jmitatrice de la Nature ne peut souf-  
 frir aucune chose qui soit alienée & es-  
 loignée de ce que la Nature requiert .

D'où vient que nous voyons que ces anciens Architectes qui ont commencé à faire de pierre les bastimens qui se faisoient de bois ont ordonné que les colonnes fussent moins grosses par le haut que par le bas, prenant l'exemple des arbres qui sont plus menus à la cime que par le tronc et pres des racines. mesmement pource qu'il est fort conuenable que les choses sur lesquelles on met quelque grande charge aillent en grossissant. Ils ont mis sous les colonnes des bases lesquelles avec leurs tores, bastons et scoties semblent se grossir à cause du poids Et de la charge qu'ils ont dessus. Et ainsy aux corniches ils ont introduict les triglifes modillons et dentelles pour représenter les testes des poutres qui se mettent aux planchers Et pour le soustien des couuertes. la mesme chose se connoistra en chaque autre partie si

on y prend garde. C'est qu'estant ainsi on  
 doit blâmer cette maniere de bastir la-  
 quelle s'esloignant de ce que la nature des  
 choses enseigne, & de la simplicité qui se  
 reconnoist ez choses par elle produictes com-  
 me se faisant vne autre nature, quitte la  
 vraye belle & bonne maniere de bastir Pour  
 laquelle raison on ne doit pas au lieu de co-  
 lannes & pilastres qui soient pour soustenir  
 quelque poids et fardeau mettre des cartons  
 qui s'appellent cartouches, qui sont certains  
 enuilepemens qui rendent vn vilain aspect  
 à ceux qui s'y connoissent, et apportent  
 plustost confusion que plaisir à ceux qui  
 n'y entendent rien. & ne produisent au-  
 cun autre effect qu'accroistre la despense de  
 ceux qui font bastir, Particulierement on  
 ne fera point sortir des corniches aucune  
 de ces cartouches, pource qu'estant besoing  
 que toutes les parties de la corniche soient

pour quelque effect & facent quasi paroistre ce qui se verroit si l'ouurage estoit de bois ; & outre celà estant à propos que pour soutenir vn fardeau on employe vne chose dure & forte propre à resister au poids. Il n'y a point de doute que ces Cartouches ne soient du tout superflues, pource qu'il est impossible qu'aucun bois ou poutre face l'effect qu'ils representent, & les representans mols et tendres je ne scay avec quelle raison on les peut mettre au dessous d'une chose dure et pesante. Mais ce qui est fort important à mon auis, est l'abus de faire les frontispices des portes & des fenestres et des galeries brisez au milieu, pource qu'estans faicts pour se couvrir de la pluye qui tombe des couuertures je ne scay rien de plus contraire à la raison naturelle que de briser & ouvrir ceste partie que les anciens instraicts par la necessité mesme



ont faict pleine & comble au milieu, pour  
 feindre qu'elle doit seruir à deffendre de la  
 pluye, neige & gresle les habitans du bas-  
 timent & ceux qui y entrent. Et bien que  
 la diuersité et nouueauté des choses doieue  
 touiours plaire, neantmoins l'une ni l'autre  
 ne doiuent choquer les reigles de l'art ni la  
 raison. D'ou vient que l'on veoid bien les  
 anciens vser de varietez mais non pas ja-  
 mais se départir des reigles generales &  
 necessaires de l'art, comme l'on verra en  
 mes liures des antiquitez. Il y a aussi  
 vn abus qui n'est pas petit en ce qui est  
 des saillies des corniches & autres orne-  
 mens, de les faire trop en dehors, pource que  
 quand elles excedent ce qui leur est raison-  
 nablement conuenable, outre que si elles  
 sont en lieu fermé elles le rendent estroit  
 & de mauuaise grace, elles font encore  
 peur à ceux qui sont au dessous, menaçant

toujours de tomber On ne doit pas moins  
 eüiter de faire des corniches qui n'ayent  
 pas de proportion avec les colomnes, pource  
 que si on met de grandes corniches sur de  
 petites colomnes, ou de petites corniches sur  
 de grandes colomnes, qui doute que tels bâ-  
 timens ne doiuent faire vn vilain et desa-  
 greable aspect ? Outre cela feindre les co-  
 lomnes brisées en leur faisant au tour des  
 anneaux ou guirlandes qui semblent les  
 tenir vnies et fermes, cela se doit eüiter au-  
 tant qu'il est possible, pource que les colom-  
 nes paroissans entieres & fortes tant mieux  
 semblent elles faire l'effect pour lequel elles  
 sont mises, qui est de rendre l'ouurage qui  
 est au dessus seur & stable. Je pourrois  
 remarquer beaucoup d'autres abus sembla-  
 bles comme de quelques membres qui se  
 font aux corniches sans proportion avec  
 les autres, lesquels se peuuent connoistre  
 aisément par ce que j'ay dict cy dessus.

## Au Lecteur

*Afin que tu ne sois estonné si te don-  
 nant la peine de verifïer curieusement  
 ma traduction sur le texte de l'Autheur,  
 tu ne trouues par tout vne entiere con-  
 formité je t'auertis qu'en ce qui suit,  
 pource que j'ay reconnu que les mesu-  
 res qu'il prescript en beaucoup de cho-  
 ses sont extremement differentes de celles  
 qu'on pratique aujourd'hu y en France,  
 au lieu de traduire precisement ce qu'  
 il dict, Et qui seroit ce me semble in-  
 utile, je te donne seulement les reigles  
 & preceptes de ce qui est en usage  
 parmy nous. Mais quand il reuient  
 à nos mesures et à ce que nous pra-*

pratiquons, je reprens aussi fidelement  
la traduction de mot à mot le mieux  
qui m'est possible, tout ce que j'ay  
faict en celà n'estant que pour l'utilité  
de ceux de la profession, ou de ceux  
qui veulent apprendre et connoistre  
nostre maniere de bastir.

# TRAICTE'

*Des Galleries, Entrées, Salles,  
Antichambres, & chambres, Avec  
la maniere de trouuer la hauteur  
de châcunes pieces, proportion-  
nées selon leur grandeur.*

*Comme aussi leurs Ayres & superficies, Plan-  
chers et Plat-fonds.*

*Des Portes, des Fenestres et Croisée's; et de leurs  
Ornemens.*

*Des Cheminees, des Escaliers, et de leurs di-  
uerfes manieres.*

*Ensemble des Combles, et de leurs Couuerture.*

*Le tout ainsi que nous pratiquons en France.*

*Par le S<sup>r</sup> LE MVET.*

*A. PARIS*

*CHEZ F. LANGLOIS dit CHARTRES,  
Marchand Libraire; Rue S.<sup>t</sup> Jacques, aux  
Colomnes d'Hercule, proche le Lyon d'argent.*

*AVEC PRIVILEGE DV ROY. M.DC.XLV.*







DIVERS  
traitez  
d'Architec-  
ture, pour  
l'Art de  
bien bastir.  
Par le S.<sup>r</sup>  
LE MYET.

A PARIS  
Chez E. Langlois  
dit Chartres.




# Des galeries, Entrées, Salles, Antichambres et cham- bres, & de leurs proportions

Les galeries ont accoustumé de se faire le plus souuent sur les aisles & costez, ou en la face de deuant. Elles seruent à beaucoup de commoditez, comme à se promener, à manger. & autres diuertissemens: Et se font plus grandes ou plus petites selon que le requiert la grandeur et commodité du bastiment; Mais d'ordinaire elles ne doiuent auoir moins de 16. 18, et 20 pieds de largeur. Et aux grands bâtimens jusques à 24, et de longueur au moins cinq fois leur largeur. six sept, ou huiet fois au plus

## Exemple

Soit la galerie AA, dont la largeur

soit AB. ou luy donnera en longueur cinq fois sa largeur jusqu'au nombre marqué 5 ; ou six fois sa largeur jusqu'au nombre 6 ; ou sept fois jusqu'au nombre 7 ; ou finalement huit fois jusqu'au nombre 8 ; qui sont les plus grandes longueurs qu'on donne aux galeries.



Outre cela toute maison bien ordonnée doit avoir au milieu et au plus bel endroit quelque place à laquelle respondent et aboutissent toutes les autres pieces du logis ; laquelle place vulgairement s'appelle entrée, vestibule, ou passage, si elle est par le bas ; & sale si elle est en haut. C'est dans la maison comme vn lieu public car elle sert de cou :



couuert à ceux qui attendent que le maistre sorte, pour le saluer et traiter d'affaire avec luy ; Et telles places sont les premières pieces des logis qui se presentent à ceux qui y veulent entrer

Les sales seruent à faire festes nopces, et banquets, à jouer comedies, et prendre autres esemblables plaisirs & rejouissances. C'est pourquoy ces lieux là doiuent estre plus grands que les autres, et d'une forme qui ait gronde amplitude & capacite à fin que beaucoup de personnes y puissent commodement tenir, et voir ce qui s'y faict

De la proportion que doiuent auoir les sales

Quant à moy je n'ay pas accoustume de donner moins de longueur aux sales


que deux fois leur largeur, ou deux fois avec vne quatr'iesme ou troisieme partie de ladicte largeur de plus . et aux grandes bastimens on leur pourra donner de longueur jusques à trois fois leur largeur en quoy elles seront d'autant plus belles et commodés.

### Exemple

Soit la salle AA dont la largeur soit AB ayant 24 pieds dans oeuvre ; on luy donnera en longueur deux fois sa largeur , jusqu'au nombre marqué 2 ; c'est à scauoir 48 pieds de long sur 24 pieds de large . Ou deux fois sa largeur, et le quart de ladicte largeur de plus jusques au nombre marqué  $2\frac{1}{4}$  scauoir cinquante quatre pieds de long sur 24 pieds de large . Ou deux fois sa largeur et le tiers d'icelle de plus jusqu'au nombre marqué  $2\frac{1}{3}$ . Scauoir 56 pieds de long



sur 24 de large . Ou finalement aux  
grands bâtimens la salle aura au plus  
en longueur trois fois sa largeur jusqu'  
au nombre marque 3 , scauoir 72 pieds  
de long sur lesdicts 24 .pieds de large.




Les antichambres & chambres doiuent  
estre partageés de sorte qu'il y en ait à  
chàque costé de l'entrée . et de la salle  
et faut prendre garde que celles du costé  
droict respondent et soient egales à celles  
du costé gauche , à fin que le bâtiment  
soit d'un costé comme de l'autre , si  
faire se peut.

*De la proportion que doi-  
uent avoir les antichambres*

*Les antichambres pour estre bien propor-  
tionnées doivent avoir de longueur la  
ligne diagonale du quarré de leur largeur,  
ou leur largeur et vne moitié de plus que  
leurdicté largeur.*

*Exemple de la premiere grandeur  
des antichambres.*


*Soit le quarré ABCD dont châque costé  
soit de 24 pieds et en soit tiré la ligne  
diagonale AC, la mesme longueur qu'  
aura ladicte diagonale, il la faut donner  
à ladicte antichambre. depuis A jusques  
à B, & depuis D jusque, à F; ainsy*



*l'antichambre aura 34 pieds de long  
sur 24 de large.*

*Exemple de la deuxiesme grand<sup>r</sup>  
des antichambres.*

*Soit pareillement le quarré ABCD duquel  
chaque costé soit de 24 pieds comme cy  
dessus, adjoûtez aux costez AB, DC,  
la moitié de leur longueur, scauoir 12  
pieds depuis B jusqu'à F, et depuis C  
jusqu'à G, vous donnerez à l'anticham-  
bre 36 pieds de long sur 24 de large.*




*De la proportion que  
doivent auoir les chambres  
Et pour les chambres il s'en peut faire*

de cinq sortes & proportions . Car ou elles seront quarrées ; ou elles auront de longueur leur largeur avec vne huict<sup>e</sup>, ou septiesme , ou sixiesme et voire vne cinquiesme partie de plus que leurdict<sup>e</sup> largeur


Exemple de la premiere grandeur  
des chambres

Soit faict vn quarré parfaict ABCD du quel les quatre costez et les quatre angles soient egaux entr'eux ce sera la grandeur de la chambre .



*Exemple de la deuxjesme grandeur  
des chambres.*


Soit le quarré ABCD dont châque costé  
soit de 24 pieds, diuisez un desdicts costez  
en 8 parties egales dont châcune sera de  
trois pieds, adjoustez vne desd' parties  
audict costé AB pour le tirer jusqu'à E,  
Oautant au costé DC pour le tirer jusqu'  
à F vous ferez la chambre de vingt sept  
pieds de long sur 24 de large.



*Exemple de la troisieme grandeur  
des chambres.*

Soit le quarré ABCD comme dessus  
de 24 pieds par châcun de ses costez,

diuisez le costé AB en sept parties egales  
 et y adjoustez vne desdictes parties ti-  
 rant iceluy jusqu'à E, & le costé DC  
 jusqu'à F; ladicte chambre aura vingt  
 sept pieds cinq pouces vne ligne &  
 demie de long, sur vingt quatre pieds  
 de large




Exemple de la quatr'iesme grandeur  
 des chambres

Soit comme dessus le quarré ABCD,  
 ayant en châcun de ses costez 24 pieds,  
 diuisez vn des costez comme AB en six  
 parties egales adjoustez y vne desdictes  
 parties tirant ledict costé jusqu'à E




De DC jusqu'à F, vous ferez la chambre de 28 pieds de long sur 24 pieds de large.



Exemple de la cinquième et dernière grandeur des chambres

Soit fait encore comme dessus le quarré ABCD dont chaque costé soit de 24 pieds: diuisez vn des costez en cinq parties égales adjoustez vne desdictes parties tirant le costé AB jusqu'à E, et DC jusqu'à F vous donnerez à la chambre 28 pieds 9 pouces 7 lignes de long sur 24 pieds de large.



## *Des aires & superficies des departemens, planchers et platfonds*

*Après avoir veu les fômes des gale-  
ries, sales, antichambres et chambres.  
Il est a propos de parler des aires ou  
superficies des departemens, planchers et  
platfonds*

*Les aires ou superficies seront de quarre-  
aux de terre cuite, ou de pierre dure, ou  
de marbre, ou d'aix de menuiserie &  
parquetage : et se peuuent faire de diuer-  
ses sortes et diuerses couleurs par la  
diuersité qui se trouue aux matieres et  
ainsi seront fort belles et agreables à  
l'oeil Rarement en faict on de marbres.  
au autre pierre dure dans les chambres  
ou l'on couche, parce qu'elles seroient  
trop froides en hyuer, mais il est bon d'en  
faire dans les galeries et vestibules.*

On prendra garde que les sales, antichambres, Vt chambres, qui seront l'une derriere l'autre ayent toutes, l'aire ou superficie, egale; de sorte que mesme les socuils des portes ne soient pas plus hauts que le reste.

Les planchers se font aussy diuersement, pour ce qu'il y en a plusieurs qui prennent plaisir à les faire de beaux soliveaux (&) bien tra-uaillez qui se mettent entre la distance qu'il y a d'une poutre à l'autre. Or il est besoing de prendre garde que ces soliveaux soient espacez l'un de l'autre, de leur grosseur; & de cette façon les planchers sont beaucoup plus forts & agreables à l'oeil, mais si on y garde plus ou moins de distance ils ne feront pas un bel effect à la veüe.

Les autres veulent des compartimens de platre ou de bois, qu'ils enrichissent de peintures. & dorures. Et ainsy on les embellit selon les diuerses inuentions dont on veut vser.

*C'est pourquoy on ne peut donner en cela de reigle certaine & determinée.*


*De la hauteur des sales, antichambres,  
& chambres.*

*Les hauteurs des sales, antichambres et chambres se font en toute, ou en plancher; si on les fait en plancher on diuifera la largeur en trois parties, & deux de ces parties seront pour la hauteur que doit auoir l'estage depuis l'aire ou superficie jusques sous la solive.*

*Exemple de la premiere hauteur des sales, antichambres et chambres*

*Soit pour la chambre dont vous voulez trouuer la hauteur, la figure M que nous poserons auoir de largeur 24 pieds dans oeuvre, qui seront diuifés sur la ligne AB en trois parties egales aux poincts où sont marquez les nombres 1.2.3. estant chèque partie de*

huict pieds, deux d'icelles seront la hauteur de la chambre; scauoir de 16 pieds de l'aire jusques sous soline




Et si on veut auoir vne hauteur plus grande Il faudra diuiser ladicte largeur en sept parties Et des sept en prendre cinq qui donneront ladicte hauteur.

Exemple de la deuxiesme hauteur plus grande.

Soit la figure N de pareille largeur que la precedente scauoir de vingt quatre pieds, dans oeuvre; qui seront diuisez sur la ligne AB en sept parties egales prenez en cinq

pour faire la hauteur de l'estage AC et BD, ladicte hauteur sera de 17 pieds 2 pouces, depuis l'aire jusques sous solive




Ou bien diuiser ladicte hauteur en quatre parties ; Et trois de ces parties donneront pareillement vne hauteur plus grande.

*Exemple de la troisieme hauteur plus grande.*

Soit la figure O de pareille largeur que les precedentes sçauoir de vingt quatre pieds dans oeuvre ; qui seront diuisez sur la ligne AB en quatre parties egales ; trois desquelles vous prendrez pour la hauteur



de l'estage ; Ainsy il sera de dixhuict pi-  
eds depuis l'aire jusques sous solive :



*De la proportion des chambres.  
hautes du second estage*

Les chambres hautes du second estage se-  
ront d'une douz'iesme partie moins exau-  
cées que les chambres basses.

*Exemple de la hauteur du second  
estage, en la figure marquée M*

Soit comme dit est en la figure marquée M  
son premier estage de 16 pieds, de l'aire  
jusques sous solive, diuisant lesdicts 16

*pieds en douze parties egales j'en prendray vnze, qui feront 14 pieds 8 pouces, pour la hauteur du second estage depuis l'aire jusques sous soline.*

*Exemple de la hauteur du second  
estage, de la figure marquée N*

*Soit comme dit est en la figure N son premier estage de 17 pieds 2 pouces de hauteur de l'aire jusques sous soline; diuisant lesd<sup>s</sup> 17 pieds 2 pouces en douze parties egales j'en prendray vnze qui feront 15 pieds 7 pouces, pour la hauteur du second estage de l'aire jusques sous soline.*

*Exemple de la hauteur du second  
estage de la figure marquée O*

*Soit comme dit est en la figure marquée O son premier estage de 18 pieds de hauteur de l'aire jusques sous soline, diui-*


sant lesdicts 18 pieds en douze parties egales j'en prendray vnze qui seront seize pieds et demy pour la hauteur du second estage depuis l'aire jusques sous solive.

*De la proportion des sales, Antichambres & chambres du premier estage, qui seront voutées.*

Les sales antichambres & chambres basses & du premier estage aux grands bâtiments seront voutées; ainsy elles seront beaucoup plus belles, et moins sujettes au feu. Leur exaulsement se fera en diuisant la largeur en six parties. & de ces six parties on en prendra cinq qui donneront la hauteur que doit auoir l'estage depuis l'aire ou superficie, jusques sous clef de voute

*Exemple de la premiere hauteur des sales, Antichamb et chambres qui seront voutées.*


Soit la figure marquée A de 24 pieds de largeur plus ou moins, qui seront diuisez en 6 parties égales; prenez en cinq qui feront 20 pieds pour la hauteur de l'aire jusques sous clef de voute.



Et si on veut vne hauteur plus grande on diuifera ladicte largeur en huict parties, & sept de ces parties seront pour ladicte hauteur.

Exemple de la deuxiesme hauteur plus grande.  
Soit la figure B ayant pareille largeur

que la precedente de 24 pieds dans oeuvre ;  
les diuisant en huict parties egales , prenez  
en 7 qui feront 20 pieds pour la hauteur  
de l'aire jusques sous clef de voute .




Et finalement si on diuise ladicte largeur  
en 12 on en prendra vnze pour ladicte  
hauteur , qui sera encor plus grande.

Exemple de la troisieme hauteur  
plus grande.

Soit la figure C de vingt quatre. pieds  
de largeur dans oeuvre , comme les prece-  
dentes ; diuisant lesdicts 24 pieds en 12

parties egales, j'en prendray vnze, qui  
feront 22 pieds de hauteur depuis l'aire  
jusques sous clef de voute.



*De la proportion des chambres  
hautes du second estage*

Les chambres hautes du second estage seront  
d'une sixiesme partie moins exaulsées que  
les chambres basses.

*Exemple de la hauteur du second  
estage de la figure marquée A*  
Soit comme dict est en la figure marquée  
A son premier estage de 20 pieds de hauteur,



de l'aire jusques sous clef de voute diuisant lesdicts vingt pieds en six parties egales, j'en prendray cinq qui seront 16 pieds 8 pouces de hauteur du second estage, de l'aire jusques sous soline.

*Exemple de la hauteur du second estage de la figure marquée B*

Soit comme dit est en la figure marquée B la hauteur du premier estage de vingt<sup>et</sup> un pieds de l'aire jusques sous clef de voute diuisant lesdicts 21 pieds en 6 parties egales, j'en prendray 5 qui feront 17 pieds 6 pouces pour la hauteur du second estage, de l'aire jusques sous soline.

*Exemple de la hauteur du second estage de la figure marquée C*

Soit comme dict est en la figure marquée C, la hauteur de son premier estage

de vingt<sup>et</sup> deux pieds, de l'aire jusques sous clef de voute: diuisant lesdits vingt<sup>et</sup> deux pieds en 6 parties egales j'en prendray 5 qui feront 18 pieds quatre pouces pour la hauteur du second estage, de l'aire jusques sous clef de voute

### De la proportion du troisieme estage.

Et voulant faire au dessus du second estage vn Attique ou troisieme estage, le second sera toujours diuisé en 12 parties egales, neuf desquelles donneront la hauteur que doit auoir le troisieme depuis l'aire jusques sous soline.

En la construction des chambres, il faut auoir esgard tant à la place du lict qui est ordinairement de six à sept pieds en quarré, et la ruelle d'autant qu'à la

scituation de la cheminée : laquelle pour cette considération ne doit pas estre scituée justement au milieu, mais distante d'jce luy de quelque deux à deux pieds et demy à fin de donner place au lict. Et par ce moyen l'inegalité est peu reconnoissable si ce n'est aux bastimens de largeur au moins de vingt quatre pieds dans oeuvre. En ce cas elle se pourra mettre justement dans le milieu

### De la hauteur des galleries.

Les galleries basses auront mesme exauffement que les salles, antichambres et chambres du premier estage, à fin d'y pouvoir entrer de plain pied ce qui s'entend lors que lesdictes galleries basses sont fermées à mesme hauteur d'appuy que lesdictes salles, antichambres ET

chambres, dont l'aire ordinairement doit estre plus esleuée que le rez de chaussée de la court, de quelques deux pieds, au moins, ou de trois ou quatre pieds Et on y monte par des marches qui ne doiuent pas auoir plus de six pouces de hauteur, ni moins de quatre pouces, et de largeur vn pied, et au plus quinze à seize pouces

Mais voulant faire les galleries basses entierement ouuertes, de sorte que l'on y entre de la Court, en ce cas on en pourra tenir l'aire plus basse que celles des departemens, Et suffira que ladicte aire soit d'un pied plus haute que le rez de chaussée de la court, ce qui apportera en ce faisant vne grande beauté, d'autant que par ce moyen on approchera davantage de la belle proportion qu'elles doiuent auoir en leur hauteur depuis

*l'aire ou superficie, jusques sous clef de voute, & pour y entrer on y montera par des marches qui seront entre les ouvertures des arcades.*

*De la juste proportion que doivent avoir les galleries hautes.*

*Les galleries hautes se font, ou en plancher quarré ou en ceintre. si en plancher quarré, elles auront de hauteur leur largeur.*

*Les galleries qui seront ceintrées auront en hauteur leur largeur avec vne cinquième, ou troisieme partie de plus que leurdicté largeur*

*Des mesures des portes, et des fenestres.*

*On ne scauroit donner de mesures certaines et déterminées des hauteurs et lar-*

largeurs des portes principales des bastimens, ni des portes et fenestres des chambres, d'autant qu'à faire les portes principales l'Architecte se doit accommoder à la grandeur du bastiment; à la qualité du maistre; & aux choses qu'on y doit faire passer. Neantmoins nous ne laisserons pas d'en donner les mesures suivantes.

### De la proportion des portes principales.

Les portes principales des entrées uo doiuent passer carrosses, chariots, et autres tels instrumens, n'auront pas moins de sept & demy, ou huict à neuf pieds; & aux grands bastimens jusques à dix ou douze piez de largeur.

Leur hauteur sera d'une largeur &



demie pour le moins, & si on les veut faire bien proportionnées on leur donnera de hauteur le double de leur largeur.

*De la proportion des portes  
du dedans du logis*

Les portes du dedans du logis au moindre bastiment ne doiuent pas auoir moins de deux pieds et demy de large, & cinq pieds et demy de haut. celles de trois à quatre pieds de large auront en hauteur le double de leur largeur Et aux grands bastimens on leur pourra donner jusqu'à cinq ou six pieds de largeur, & de hauteur le double, & quelque fois une cinquiesme, ou quatre partie moins de ladicte largeur.

Les Anciens auoient accoustumé de faire leurs portes plus estroittes par le

haut que par le bas , comme on void en une Eglise qui est à Tiuali , ce que Vitruue nous enseigne , et faisoient cela peut estre , pour leur donner plus de force .

### *De la proportion des fenestres .*

Les fenestres auront d'ouuerture quatre , quatre et demy , ou cinq pieds , et aux grands bastimens jusques à six , entre les deux tableaux ou pieds droicts .

Leur hauteur sera au moins le double de leur largeur ; Et pour les faire belles et bien proportionnées , une quatr'iesme , ou troisieme , ou demie partie de plus que ladicte largeur .

Et selon la grandeur de celles cy je fais toutes celles des autres chambres de mesme estage ; mais celles du second estage

doivent estre moins hautes que celles de dessous de la douzi<sup>e</sup>me partie , Et si on en faict encore au dessus des secondes on doit les faire plus basses de la quatre.<sup>e</sup> partie que celles qui sont prochainement au dessous.

### De la proportion des appuis des fenestres .

Les appuis des fenestres auront depuis deux pieds huit pouces jusques à trois pieds au plus de hauteur .

Les mèneaux ou croisillons des fenestres auront quatre à cinq pouces d'espoisseur. Leurs feuillures seront d'un pouce et demy à deux pouces, au plus , à fin de conseruer dauantage de force au derriere d'iceux, et que les membrures et chassis de bois qui portent les volets de menuiserie puissent auoir force conuenable

Les pieds droicts des fenestres seront fort embrasez, et reseuillez de deux pouces et demy à trois pouces pour le moins, a fin que la menuiserie ait plus de force & qu'elle puisse joindre contre les murs. Quand il y a peu d'espoisseur au mur les volets des fenestres doiuent desborder de l'embrasure, de la moitié ou du tiers seulement ; lors il est à propos de briser lesdicts volets à fin qu'ils ne donnent point d'empeschement dans la chambre & n'ostent pas la clarté.

### Observation qu'il faut garder en faisant les portes et fenestres.

Il faut prendre garde en faisant les fenestres de ne leur donner ni plus ni moins de jour qu'il leur est necessaire, & ne les faire ni plus ni moins espacées

qu'il est besoing : C'est pourquoy il faut auoir esgard à la grandeur des lieux qui en doiuent receuoir le jour, estant certain & euident qu'une grande chambre a besoing de plus de clarte qu'une petite, et que si on fait les fenestres plus petites qu'il ne faut les lieux seront obscurs & sombres. ; Et pource que dans les maisons on faict de grandes chambres, de moyennes, et de petites, jl faut bien prendre garde que toutes les fenestres ne soient pas moins egales entre elles en leur ordre et estages, que celles de main droicte respondent à celles de main gauche, et que celles de dessus soient justement au droict de celles de dessous & semblablement que les portes soient justement les vnes au dessus des autres, à fin que le vuide se rencontre sur le vuide, et le plein sur le plein ; & de plus que les portes se rencontrent de



sorte que lon puisse voir d'un bout du logis à l'autre; ce qui est fort agreable. Et outre qu'il a bonne grace donne de la fraischeur en Esté, et apporte encore d'autres commoditez.

On a de coustume pour plus grande fermeté de faire des arriere-voulsures au derriere des bandeaux des portes et croisées avec des arcs par dessus, pour servir de descharge, & empêcher que les portes et croisées ne soient aggrauees du trop grand poids, ce qui est de grande utilité pour la durée du bastiment.

Il faut esloigner les fenestres des coins et angles du bastiment d'une distance raisonnable, pource que cette partie là ne doit pas estre ouuerte & afoiblie qui doit soutenir & lier tout le reste du bastiment.



*De la juste proportion que  
doivent auoir de grosseur et saillie  
les pilastres des portes et fenestres.*

*Les pilastres des portes et fenestres ne  
doivent pas estre plus gros que de la  
cinquiesme partie de leur ouuerture, ni  
moins que de la sixiesme.*

*La saillie des pilastres en general se  
trouuera en diuisant leur grosseur en  
six parties, & vne de ces parties sera  
pour la saillie qu'ils doivent auoir.  
Reste à voir de leurs ornemens.*

*Des ornemens des portes  
& fenestres.*

*Comment il faut faire les ornemens  
des portes principales des bastimeus, et  
des fenestres, cela se peut aisement*

connoistre de ce, qu'enseigne Vitruue ,  
 chap. 6<sup>e</sup> du 4<sup>e</sup> Liure, y adjoustant  
 tout ce qu'en ce lieu en dict et monstre  
 en dessein le Reuerend.<sup>me</sup> Barbaro ;  
 Et encore de ce que j'en ay dict cy dessus  
 parlant de tous les cinq Ordres ; c'est  
 pourquoy, laissant cela à part, je met-  
 tray seulement quelques desseins des  
 ornemens des portes et des fenestres des  
 chambres, selon qu'elles se peuuent fe-  
 .diuersement, & je monstreray à mar-  
 quer particulièrement chèque membre  
 qui ait grace, & autant de saillie qu'il  
 est necessaire.


Les ornemens que l'on donne aux por-  
 tes Et aux fenestres sont l'Architraue  
 la Frise, et la Corniche .

L'Architraue tourne à l'entour de la  
 porte, et doit estre aussi gros que le  
 pilastre, lequel j'ay dict ne deuoir pas

estre de moins que de la sixiesme partie de la largeur de l'ouuerture, ni plus que de la cinquiesme. Et de l' Architraue prennent leur grosseur la Frise & la Corniche, des deux inuentions qui suivent.

Exemple.

Soit la largeur de l'ouverture de la  
 porte AA, diuisee en six parties egales:  
 une de ces parties sera pour l'Architraue  
 B, qui tournera à l'entour de la porte  
 Et sera diuisee en 4 parties: de3 desquelles  
 se faict la hauteur de la Frise C, &  
 de cinq celle de la Corniche D.



Les mesures de chacun membre des  
 ornemens se trouuerront en cette sorte.  
 l'Architraue B sera diuisé en dix  
 parties : 3 seront pour la premiere  
 feuillure, ou bande E; 4 pour la se-  
 conde F; & les 3 qui restent se diui-  
 sent en 5 : trois sont pour la gueule  
 renuersée G, & les deux autres pour  
 l'orle H; qui a de saillie la quatre<sup>e</sup>  
 partie de sa grosseur. La gueule ren-  
 uersée G, a autant de saillie que de  
 hauteur, & se marque de cette maniere;  
 on tire vne ligne droicte, laquelle va  
 finir au bout d'icelle, sous l'orle H.  
 & sur la seconde feuillure F, & se  
 diuise par la moitié, et on faict que  
 chacune de ces moitez est la base d'un  
 triangle de deux costez egaux : et sur  
 l'angle opposé à la base se met le pied  
 immobile du compas, et se tirent les



lignes courbes qui font ladicte gueule renuersée G.

La Frise est de trois parties de l'Architraue diuisé en quatre : et se desseigne d'une portion de cercle moindre que le demy cercle, l'enflure de laquelle vient au droict de la cimaise de l'Architraue.

Les cinq parties qui se donnent à la Corniche, se partagent ainsy à ses membres : une se donne à la Scotie avec son listeau, qui est de la cinq<sup>e</sup> partie de ladicte Scotie ; la Scotie a de saillie les deux tiers de sa hauteur : pour la desseigner on forme un triangle de deux costez egaux & à l'angle C on faict le centre : et ainsi la scotie vient à estre la base du triangle. une autre desdictes 5 parties est pour l'oeuf, il a de saillie les deux tiers de sa

hauteur ; et se desseigne faisant un tri-  
 angle de deux costez égaux Et le cen-  
 tre se faict du poinct H . les autres trois  
 parties se reduisent en dixsept , il y en a  
 huict pour la couronne ou goutiere, avec  
 ses listeaux, desquels ceux de dessus sont  
 une des huict parties, & celui qui est  
 dessous, et qui fait le creux de la goutiere,  
 fait une des six parties de l'oeuf ; les  
 autres neuf sont pour la gueule droicte  
 et son orle, lequel est du tiers de ladicte  
 gueule. Pour la former en sorte qu'elle  
 soit bien *Or*ait de la grace, on tire la  
 ligne droicte AB, et se diuise en deux  
 parties égales au poinct C ; une de ces  
 moitez se diuise en sept parties, dont  
 les six se prennent au poinct D ; puis  
 on forme deux triangles AEC, et CBF ;  
 Et sur les poincts E et F on met le pied  
 immobile du compas & on tire les

portions de cerdes AC, et CB, lesquelles forment ladicte gueule

L'Architraue semblablement, en la seconde inuention, se diuise en quatre parties : Et des trois se faict la hauteur de la Frise, des cinq celles de la Corniche. Puis l'Architraue se diuise en trois parties, deux desquelles se rediuisent en sept ; desquelles sept, trois sont pour la premiere feuillure, et quatre pour la seconde. Et la troisieme partie de l'Architraue se rediuisse en neuf : des deux se faict le rondeau : les autres sept se diuisent en cinq. trois sont la gueule renuersee, et deux l'orle.

La hauteur de la Corniche se diuise en cinq parties Et trois quarts : une desquelles se rediuisse en six : des cinq

se faict la gueule renuersée au dessus  
 de la Frise & de la sixiesme le listeau.  
 La gueule renuersée à autant de saillie  
 que de hauteur ; & de mesme aussy  
 le listeau . La seconde partie de la  
 hauteur de la Corniche est pour l'oeuf,  
 lequel à de saillie les trois quarts de sa  
 hauteur . La moulure au dessus de  
 l'oeuf est de la sixiesme partie de l'oeuf,  
 & a autant de saillie . Les autres  
 trois parties de la hauteur de ladicte  
 Corniche se diuisent en dixsept , huiet  
 desquelles sont pour la goutiere : laquelle  
 a de saillie , des trois parts de sa hauteur,  
 les quatre . Les autres neuf se diuisent  
 en quatre : trois sont pour la gueule,  
 & une pour l'orle . Les trois quarts  
 qui restent se diuisent en cinq parties  
 et demie : d'une se faict la moulure,  
 et des quatre & demie la gueule renuersée

*au dessus de la goutiere Lad. Corniche  
à autant de saillie qu'elle est grosse.*

*Membres de la Corniche, de  
la premiere inuention.*

I Scotie .

K Oeuf .

L Goutiere .

N Gueule

O Orle

*Membres de l'Architraue.*

G Premiere feuillure .

V Seconde feuillure .

P Gueule renuersée.


R Orle .

S Enflure de la Frise

T Partie de la Frise qui entre dans  
le mur.

Par le moyen de ces deux cy on peut con-  
noistre les membres de la seconde inuention






De ces deux autres inuentions  
 l'Architraue de la premiere qui est  
 marqué F, se diuise semblablement en  
 quatre parties : de trois & vn quart se  
 faict la hauteur de la Frise, et de cinq  
 celle de la Corniche. L'Architraue se  
 diuise en huict parties : cinq sont pour  
 le plain Et vny, & trois po<sup>r</sup> la cimaise ;  
 laquelle se rediuiſe encore en huict par-  
 ties trois sont pour la gueule renuerſée,  
 trois pour la scotie, & deux pour l'orle.  
 La hauteur de la Corniche se diuise en  
 six parties : de deux se faict la gueule  
 droicte avec son orle, & d'une autre  
 la gueule renuerſée. Ladicte gueule  
 droicte se rediuiſe en neuf parties de  
 huict desquelles se faict la gouttiere et  
 la moulure. L'Aſtragal ou rondeau,  
 au deſſus de la Frise, est du tiers  
 d'une desdictes six parties, & ce

qui reste entre la gouttiere & le rondeau se laisse pour la scotie

En l'autre inuention l'Architraue marqué H se diuise en quatre parties; & de trois et demie se faict la hauteur de la Frise, & des cinq la hauteur de la Corniche. L'Architraue se diuise en huict parties: il y en a cinq pour le plain & vny, et trois pour la cimaise; Laquelle se diuise en sept parties: d'une se faict l'Astragal; & le reste se diuise de nouveau en huict parties: trois desquelles sont pour la gueule renuersée, trois pour la scotie, et deux pour l'orle. La hauteur de la Corniche se diuise en six parties Et trois quarts; des trois se faict la gueule renuersée, le dentellé, & l'oeuf. La gueule renuersée a de saillie autant qu'elle est grosse: Le

dentellé des trois parties de sa hauteur  
 les deux ; & l'oeuf des quatre parties  
 les trois ; Des trois quarts se faict la  
 gueule renuersée , entre la gueule droicte  
 et la gouttiere : Et les trois autres  
 parties se diuisent en dixsept . neuf  
 font la gueule droicte , et l'orle ; Et  
 huict la gouttiere .

Cette Corniche à de saillie autant qu'  
 elle à de grosseur , ainsy que toutes  
 les autres susdictes .




*Demonstration De quelques  
Figures des Portes et Croisees  
Selon les cinq ordres D'Andre  
Palladio*


*Cette Premiere Figure est ex-  
pliquee au Lucillet. 154.*








*Porte et Croisée selon L'ordre Toscan*




*Porte et Croisee selon L'ordre Dorique*

4




*Porte et Croissee de L'ordre Dorique*













*Porte de L'ordre Ionique*



Porte de Perron 7




*Porte de L'ordre Corinthienne*







Chapiteau Corinthe 2


*Croisees selon L'ordre Composite  
qui sont dans la cour du Louvre,  
lesquelles sont voir la beauté  
des proportions cy deuant des-  
criptes.*












*Croissee d'Eglise*

Mij





# Des cheminées des salles, chambres, cabinets, et garderobes ; Et de leur proportion .

Les cheminées des salles doivent  
avoir dans oeuvre six à sept pieds , et  
aux grands bastimens jusques à huict  
entre les deux jambages ; & fera bon  
de faire leurs tuyaux dans l'espoisseur  
du mur si faire se peut , sinon elles se-  
ront adossées contre , en lieu où elles  
puissent correspondre à celles des cham-  
bres , lesquelles ne s'escartent que bien  
peu du milieu , comme il a esté dict . et  
s'il est possible , il faut faire que la  
cheminée soit veüe de front par celui  
qui entrera dans la salle .

Leur hauteur sera de quatre , quatre

et demy, à cinq pieds au plus jusques sous platte bande du manteau. Leur saillie aura deux pieds & demy, ou trois pieds au plus, depuis le mur jusques sous le manteau. Les jambages auront de huit à douze pouces de largeur; & aux grands bastimens jusqu'à vingt quatre au plus, selon l'ordre d'Architecture avec laquelle on la veut enrichir.

*Des cheminées des chambres,  
Et de leurs proportions.*

Les cheminées des chambres auront de largeur cinq, cinq et demy, ou six pieds; & aux grands bastimens jusqu'à sept, et seront placées comme j'ay dict cy dessus, à cause de la place du lit.

Leur hauteur sera de quatre pieds, ou



de quatre et demy jusques sous le  
manteau, ou platte bande

Leur saillie sera de deux pieds, ou de  
deux & demy, depuis le contrecœur  
jusqu'au deuant des pié-droicts ou  
jambages.

## Des cheminées des cabinets Et garderobes.

Les cheminées des cabinets & gar-  
derobes auront au moins quatre,  
quatre & demy, ou cinq pieds de  
large ..

Leur hauteur sous le manteau sera  
pareille à celle cy dessus de quatre  
pieds, ou quatre & demy, et pareille-  
ment leur saillie de deux pieds, ou  
deux pieds & demy du contrecœur.

## Des tuyaux des cheminées.

Les tuyaux des cheminées seront esleuez jusques hors la couuerture et par dessus le faiste, de trois, quatre, à cinq pieds au plus, à fin qu'ils portent la fumée en l'air. Il faut prendre garde à ne les faire ni trop estroicts ni trop larges, pource que s'ils sont trop larges le vent entrant dedans rechassera la fumée en bas, et ne la laissera pas librement monter et sortir :

Et dans les tuyaux trop estroicts la fumée n'ayant pas libre sortie s'engouffrera et retournera en arriere ; c'est pourquoy on n'en fera point pour les chambres de plus estroicts que de dix à onze pouces, ni de plus larges que de quinze, qui est la largeur ordinaire des tuyaux de

cheminées des grandes cuisines , à cause du grand feu que lon y faict. Et pour leur longueur elle sera de quatre à cinq pieds au plus dans oeuvre. depuis où finit la hotte jusques au haut du tuyau. Or ladicte hotte va depuis le manteau jusqu'à l'endroit du plancher, ou clef de voute , toûjours en diminuant au dedans oeuvre, jusques à ce que lon paruienne aux mesures de largeur et longueur cy dessus prescrites, & depuis là en montant jusqu'au bout du tuyau , il le faut conduire le plus vniment que faire se pourra, d'autant qu'à faute de ce faire , on est souuent incommodé de fumée

*Ce qu'il faut observer en  
faisant les cheminées, & de  
la façon que les Anciens s'en  
sont seruis.*

*Il faut que les jambages et manteaux  
des cheminées sur lesquels se sont les  
tuyaux soient travaillez delicatement,  
pource que l'ouurage à la rustique ne  
sied bien qu'en de tres grands bastiments,  
pour les raisons cy dessus*

*Les Anciens pour eschauffer leurs cham-  
bres, se sont seruis de ces moyens; ils  
faisoient les cheminées au milieu avec  
des colonnes ou corbeaux qui portoient  
en haut les Architraues sur lesquels  
estoit les tuyaux des cheminées d'ou  
sortoit la fumée, comme on en voyoit  
une à Baye pres de la Piscine de  
Neron; & une qui n'est pas loin de  
Ciuità vecchia Et quand ils ne*

vouloient pas des cheminées ils faisoient dans l'espoisseur du mur quelques trompes ou tuyaux par où montoit la chaleur du feu qui estoit deffous la chambre, & sortoit dehors par certaines bouches ou sôûpiraux qui estoient au haut de ces tuyaux.


Presque en la mesme maniere Messieurs Trenti gentilhommes de Vicenze rafraichissent en esté leurs chambres à Costoxa leur maison des champs, pource qu'il y a en ce lieu là des montagnes dans lesquelles se trouuent de fort grandes caues, qui estoient anciennement des carrieres, dont je croy qu'entend parler Vitruue au second liure, où il traicte des pierres; dans lesquelles caues il s'engendre des vents extremement frais que ces gentils-hommes conduisent et font entrer dans leurs maisons par de certaines voutes



sousterraines, Et par le moyen de cer-  
 tains tuyaux, semblables à ceux dont  
 nous parlions cy dessus, les font couler  
 dans toutes les chambres, ouurant Et  
 bouchant lesdicts tuyaux comme il leur  
 plaist pour prendre plus ou moins de  
 fraischeur, selon le temps et la saison,  
 Et quoy que ce lieu soit merueilleux,  
 quand ce ne seroit que pour cette grande  
 commodité: neantmoins ce qui le rend  
 encore plus admirable Et plus digne  
 d'estre veu, c'est la prison des vents,  
 qui est vne certaine chambre sous terre,  
 faicte par le tresexcellent seigneur Trenti,  
 Et par luy nommée Folie, où plusieurs  
 de ces tuyaux et conduits à vents se  
 deschargent, à laquelle, pour la rendre  
 belle et digne de ce nom qu'il luy a  
 donné, il n'y a espargné ni soin ni  
 despeses.







*Des Escaliers , et de  
leurs diuerses manieres , &  
du nombre & grandeur des  
marches ou degrez .*

*Il faut soigneusement prendre garde  
à bien poser les escaliers , pource qu'il  
n'y a pas peu de difficulté à trouuer lieu  
qui y soit propre , à fin qu'ils puissent  
bien faire leurs distributions et qu'ils  
n'empeschent point le reste du bastiment  
C'est pourquoy on les place ordinaire-  
ment au coin du bastiment , ou sur les  
aisles , ou dans le milieu de la façade ;  
ce qui n'arriue que rarement si ce n'est  
aux grandissimes bastimens , pource  
que beaucoup de pierres qui se deuroient  
rencontrer de suite seroient interrompues  
par le moyen de cet escalier qui seroit*

dans le milieu , si ce n'est que le logement fust double .

Il y a trois ouuertures a faire aux moindres escaliers ; la premiere est la porte par où on y entre , laquelle est d'autant mieux faicte qu'elle a plus d'ouuerture , Et me plaist dauantage si elle est en lieu où auant que de paruenir on voye la plus belle partie de la maison , pource qu'encore que la maison soit petite , par ce moyen elle paroistra plus grande : neantmoins il faut que ladicte porte paroisse & soit aisée à trouuer .

La seconde ouuerture est celle des fenestres , qui sont necessaires pour donner de la clarté sur les degrez ; & lors qu'il n'y en a qu'une il faut qu'elle soit au milieu tant que faire se peut , à fin que tout l'escalier soit esclaire' .

*La troisieme est l'ouverture par laquelle on entre dans les appartemens d'enbaut , Et qui doit conduire en des lieux amples , beaux , & enrichis .*

*Les escaliers seront bienfaicts s'ils sont amples , clairs , & aisez , de sorte qu'ils semblent conuier le monde à y monter .*

*Ils seront clairs , s'ils ont vne viue lumiere , Et qui se respande par tout également .*

*Ils seront amples , s'ils ne paroissent estroicts & petits , eu esgard à la grandeur et qualité du bastiment ; Mais jamais ils ne doiuent estre plus estroits de quatre pieds , à fin que si deux personnes s'y rencontrent , elles puissent commodement se faire place l'une à l'autre . On leur peut donner jusques à cinq six , ou sept pieds , ou sept*

Et demy . Et aux grands bastiments  
 jusqu' à dix ou douze pieds de large  
 pour châcun rampant , & les faut fai-  
 re les plus commodes qu'il est possible

## De la hauteur et largeur des marches ou degrez

Les marches ou degrez ne doiuent  
 pas auoir plus de six pouces de haut ,  
 Et s'ils sont plus bas ce sera sur tout  
 aux escaliers longs et continuez ; ils  
 en seront plus aisez pource que le pied  
 ne se lassera pas tant à monter , mais  
 ils n'auront pas moins de quatre pou-  
 ces de hauteur

Leur largeur ne doit pas estre de  
 moins que d'un pied , ni de plus que  
 de quinze à seize pouces

Les Anciens obseruoient de faire le



nombre des degrez non pair à fin  
 qu'ayant commence à monter du pied  
 droict on acheuast du mesme pied ; ce  
 qu'ils prenoient à bon augure , et à  
 plus grande deuotion entrant dans les  
 Temples

## Des diuerses manieres des escaliers

Les escaliers se font droicts ou a  
 viz et limaçon : les droicts se font es-  
 tendus en deux branches , ou sont quar-  
 rez , qui tournent en quatre branches .  
 Et pour en faire de cette derniere sorte  
 toute la place se diuise en quatre parties  
 dont il y en a deux pour les degrez , et  
 deux pour le vuide ; du milieu duquel ,  
 s'il est descouuert , l'escalier reçoit de la  
 clarté . Ils se peuent faire avec vn

mur au dedans . & Lors dans les deux parties qu'on prend pour les degrez se doit comprendre et renfermer l'espoisseur du mur qui faict la cage : ils se peuvent faire aussi sans mur au dedans . Ces deux sortes d'escaliers font de l'inuention du seigneur Louis Cornaro gentilhomme d'excellent jugement .

Les escaliers à viz et limaçon se font ronds en aucuns lieux , et en d'autres se font en ouale , quelque fois avec la colonne au milieu , Et d'autres fois vuides . Et tels escaliers à viz se font particulièrement en des lieux estroits pource qu'ils occupent moins de place que les escaliers droicts , mais sont plus malaisez à monter . Ceux là ont bonne grace qui sont vuides au milieu , pource qu'ils peuvent

auoir du jour d'en haut , & ceux qui sont au haut de l'escalier voyent tous ceux qui montent , ou qui commencent à monter , & sont aussi veus par eux .

Ceux qui ont la colonne au milieu ayans peu d'espace se font en ceste maniere : On diuise le diametre en douze parties , dont les dix sont pour les degrez , & les deux restans sont pour la colonne au milieu ; ou l'on diuise ledict diametre en huict parties , dont les six sont pour les degrez , et les deux autres pour la colonne . Et s'il y a beaucoup d'espace on diuise le diametre en trois parties , dont on en prend deux pour les degrez , et vne qui demeure pour la colonne comme au dessein A ; ou bien on diuise le diametre

en sept parties, desquelles on prend trois pour la colonne du milieu, Et quatre pour les degrez: & c'est justement de cette maniere qu'est l'escalier de la colonne de Trajan à Rome: Et si on faict les degrez en tournant comme au dessein B, ils en seront plus beaux & agreables, et plus longs que s'ils estoient droicts. Mais aux escaliers vuides au milieu le diametre se diuise en quatre parties, desquelles deux sont pour les degrez et deux pour le milieu


Outre les manieres d'escaliers qui sont en usage, il en a esté trouué vne à limaçon par le seigneur Marc Anthoine Barbaro gentil homme Venitien, d'excellent esprit, laquelle se pratique bien à propos aux lieux fort serrez, il n'y a

point de colonne au milieu, & les degrez allans en tournant en sont beaucoup plus larges ; on la diuise comme la susdicte maniere



Ceux qui sont en ouale se diuisent de la merme façon que les ronds ; ils sont fort beaux et agreables pource que toutes les fenestres & les portes se trouuent à la teste de l'ouale et au milieu, & sont fort commodes . J'en ay faict vn vuide au milieu dans le Monastere de la Charité à Venise qui reussit merueilleusement bien .

A Escalier à limaçon avec colonne  
au milieu.






B *Escalier à limaçon avec colonne  
& degrez tournans*




C Escalier à limaçon vuide au  
milieu .





D *L* escalier à limaçon vuide au  
milieu, avec degrez tournans







E Escalier en ouale avec colomne  
au milieu.



F Escalier en ouale sans colonne.








G Escalier droict avec vn mur au  
Dedans .

H Escalier droict, sans mur .





*Il y a vne autre belle maniere  
 d'escalier que fit faire le Roy François  
 premier au Chasteau de Chambor pres  
 de Blois, & est de cette sorte; il y a  
 quatre escaliers qui ont quatre entrées,  
 sçauoir chascun la sienne, et montent  
 l'un sur l'autre, de sorte que le faisant  
 au milieu du bastiment les quatre peu-  
 uent seruir à quatre appartemens sans  
 que ceux qui habitent en l'un aillent  
 par l'escalier de l'autre; Et pource  
 qu'il est vuide au milieu tous se voy-  
 ent l'un l'autre monter et descendre  
 sans se donner aucun empeschement  
 Et d'autant que cette inuention est  
 belle & nouuelle je l'ay mise icy et  
 marquée par lettres depuis le pied jus-  
 qu'au haut, à fin qu'on voye où cha-  
 que escalier commence et où il acheue.*






*Il y auoit encore aux Portiques de  
 Pompée à Rome, en allant à la place  
 des Juifs, des escaliers à limaçon de tres  
 belle inuention, pource qu'estans posez  
 au milieu, de sorte qu'ils ne pouuoient  
 receuoir de clarté que d'enhaut, ils estoient  
 faicts sur des colonnes, à fin que là clarté  
 se resspandist par tout egalement. A  
 l'exemple desquels Bramante, en son  
 temps excellent Architecte, en fit vn à  
 Beluedere, & sans degrez, ayant les  
 quatre ordres d'Architecture, Dorique  
 Ionique, Corinthien, & Composé.  
 Pour faire de ces escaliers il faut diuiser  
 tout l'espace en quatre parties, dont on  
 en prend deux pour le vuide du milieu,  
 & vn de chaque costé pour les degrez et  
 les colonnes.*


*On void beaucoup d'autres manieres  
 d'escaliers dans les anciens edifices,*



comme de triangulaires, & de cette sorte sont ceux par où l'on monte sur le clocher à Sainte Marie de la Rotonde, qui sont vuides au milieu, & reçoivent jour d'en haut. Ceux encor qui sont à Sancto Apostolo en la mesme ville par où l'on monte à Monte-Cauallo sont fort magnifiques, et sont doubles, dont beaucoup de personnes ont pris le modèle, & conduisoient à un Temple situé à la cime de la montagne, comme monstre mon liure des Temples; Et de cette sorte est ce dernier dessein.







*Il faut noter qu'aux escaliers qui seront quarrez, ou quarre'-longs, lors qu'on sera contraint d'y mettre des marches d'angles en tournant on n'en pourra faire plus de six au demy cercle, qui sont trois au quart de cercle; et ce lors que l'escalier n'aura que six à sept pieds de large dans oeuvre, qui est la moindre grandeur dont il se puisse faire.*

*Aux escaliers de huit pieds de large on mettra huit marches d'angle en tournant au demy cercle qui sont quatre pour le quart de cercle.*

*Et aux escaliers de neuf à dix pieds de large on mettra dix marches au demy cercle.*

*S'ils ont jusqu'à dixhuit pieds,*

*plus ou moins , on pourra faire jusque  
à douze marches au demy cercle .*

*Il faut prendre garde que le pallier  
de l'escalier , qui est l'espace entre le  
mur & les marches par où lon mon-  
te , et qui donne distribution aux dé-  
partemens , soit plus large , d'une  
quatriesme partie , au moins , que la  
longueur desdictes marches .*

## Des couuertures .

Après auoir leué les murailles jusqu'à leur hauteur , faict les voutes , mis les traucées de châque estage , & faict l'escalier & toutes les choses dont nous auons parlé cy dessus , il est besoin de faire la couuerture , laquelle embrassant châque partie du bastiment et pressant également les murs par le moyen de son poids , est comme vn lien de tout l'ouurage ; & outre qu'elle desend & garantit ceux qui y habitent , de la pluye , et de la neige , de l'ardeur du Soleil & de l'humidité de la nuit , elle est encore entierement necessaire à la conseruation de l'Edifice

Les premiers hommes comme on lit dans Vitruue, firent les couuertures de leurs maisons plattes; mais s'apperceuans qu'ils n'estoient pas à couuert de la pluye, contraincts par la necessité, commencerent de les faire en faiste, c'est à dire en comble, au milieu;

Ces combles se doiuent faire plus hauts ou plus bas, selon les regions où se font les bastimens, ce qui est cause qu'en Allemagne, à cause de la grande quantité des neiges qui y tombent, les couuertures se font fort aigües et droictes, & se couurent de lattes et de thuilles fort peu espoisses, pource que s'ils les faisoient autrement elles seroient ruinées de la pesanteur des neiges. Mais pour nous qui viuons en des regions temperées nous deuons faire des couuertures qui soient  
 ☉ de belle forme ☼ telles que la



pluye y coule aisement . C'est pour-  
quoy ces couuertures seront ou de thuille  
ou d'ardoise , qui sont les matieres les  
plus communes et vsitees


La thuille pour estre commodement sou-  
stenue n'a pas besoin que le triangle  
de son comble ait pareil exaulcement  
que celui de l'ardoise .

Les combles qui sont faicts pour ardoise  
doient auoir plus d'exaulcement, tant  
à cause du vent qui enleueroit ladicte  
ardoise , que pour le retour de l'eau qui  
la pourrit . Or soit que vous fassiez  
vostre couuerture de thuille ou d'ardoise,  
vous vous seruirez indifferemment  
des manieres suiuanes, n'y ayant  
de difference entre l'une & l'autre, que  
celle qu'apporte la construction des

triangles de leurs combles . Et telles couuertures se font ou avec exaulcement de l'entablement au dessus du dernier plancher, comme quand on pratique des chambres en galetas, ou sans exaulcement ; comme le tout se peut distinctement voir par les figures suiuanes, & l'assemblage de châcune piece .


*Proportion des combles à  
thuille .*

Soit la largeur de l'edifice hors œuvre AA, qu'il faut diuiser en huict parties egales par les poincts 1, 2, 3, 4, 5, 6, 7, 8, et des huict parties en prendre sept, qui seront pour chacun costé qui s'assemblent au faiste B .



## *Proportion des combles à ardoise*


*Soit la largeur donnée de l'edifice hors  
oeuvre AA, cette mesme largeur sera ra-  
portée à châcun costé qui s'assembleront  
au faïste B, et formeront un triangle  
equilateral, ayant les trois costez, & les  
trois angles egaux entr'eux.*



*Proportion des combles à ardoise, pour leur donner plus de roideur que le triangle equilateral.*


*Soit pareillement la largeur donnée de l'edifice hors oeuvre AA, diuise' en huict parties egales; les deux costez qui s'assemblent au faiste B, en contiennent châcun neuf.*






*Proportion dernière de la plus grande roideur des combles à ardoise .*

*Soit la largeur de l'edifice hors oeuvre AA, pareillement diuisé en huit parties égales ; les deux costez qui s'assemblent au faîte B, en contiendront chacun dix .*





- |                          |                          |                           |
|--------------------------|--------------------------|---------------------------|
| 1 La poutre.             | 8 Les iambettes.         | 17 Les bouts des amoisés. |
| 2 Les solives.           | 9 Les petites forces.    | 18 Les bouts des pannes.  |
| 3 L'aire du plâcher.     | 10 Les bouts des pannes. | 17 La faîste.             |
| 4 Les iambes des forces. | 11 Les tasseaux.         | 18 Les joints faîstes.    |
| 5 Les goutsets.          | 12 Les chantignelles.    | 19 Les lieux.             |
| 6 Le tirant.             | 13 Les cheurons.         | 20 Les aryaux.            |
| 7 Le poinçon.            | 14 Les contre-fiches.    | 21 Les murs.              |


## Faîstage



- |                        |                       |
|------------------------|-----------------------|
| 1 La poutre            | 12 Les entretoises    |
| 2 Les solives          | 13 Les murs           |
| 3 L'aire du plancher   | 14 Le faîtage         |
| 4 L'entraiçt           | 15 Les liernes        |
| 5 Le poinçon           | 16 Les liens          |
| 6 Le deuxième entraiçt | 17 Les cœurs          |
| 7 Les chevrons         | 18 Les embranchemens  |
| 8 Les esbalières       | 19 Les empannons      |
| 9 Les lambettes        | 20 Les plattes formes |
| 10 Les blochets        | 21 Les coyaux         |
| 11 Les jablières       | 22 Les gouljets       |







- |                    |                        |
|--------------------|------------------------|
| 1 La poutre        | 11 Les ancrées         |
| 2 Le poinçon       | 12 Les faîsses         |
| 3 Entrait          | 13 Les poutres faîsses |
| 4 Les lambettes    | 14 Les liens           |
| 5 Les esbéliers    | 15 Les entretoises     |
| 6 Les forces       | 16 Les solives         |
| 7 Les chaurons     | 17 L'aire du plancher  |
| 8 Les pannes       | 18 Les murs            |
| 9 Les tasseaux     | 19 Les cavaux          |
| 10 Les chatiquotes |                        |






- 1 La poutre
- 2 Le poinçon
- 3 Entraîct
- 4 Petit entraîct
- 5 Les chevrons
- 6 Les iambettes
- 7 Les esbéliers
- 8 Les blochets
- 9 Les plattes formes
- 10 Les entretoises
- 11 Les solives
- 12 Laitre du plancher
- 13 Le faistage
- 14 Les liernes
- 15 Les croix St André
- 16 Les liens
- 17 Les coyés
- 18 Les embranchemens
- 19 Les gouffets







- 1 Le poinçon.
- 2 L'entrait.
- 3 Les chevrons.
- 4 Le faisage.
- 5 Les liernes.
- 6 Les liens.
- 7 Entrait de croupe.
- 8 Cheuron de croupe.
























1 2 3 4 5 6















SPECIAL 93-B  
6166



